

ዒድ ሕርየት ለከሰሰ መዳሊት ክም ተመ ሰፊር ዘመዴ ተክሌ ሸርሐ

“መርበይን ደርዕነ” እብ ትብል ሰቅራት 34ይ ዒድ ሕርየት እግል ልግመል ገብእ ለጸንሐ መዳሊት ክም ተመ፡ መፈወድ ዓዳት ወርያደት ሰፊር ዘመዴ ተክሌ ሸርሐ።

እግል ኢሪነ እተ ሀበዩ ሐብሬ ሰፊር ዘመዴ፡ ናይ ዮም ዓመት መዳሊት ምን ሐልፈ ሰኖታት ኦጊድ ክም አንበተ፡ ለበራምጅ ዲብ ሰለስ ደረጃት እንዴ ትካፈለ እግል ልትርኤ ከም ቀድር እንዴ ሐበረ ዲብ አስመረ ምን ዮም 16-23 ማዕ ዲብ ለተአተኣላሌ ሳምን ሕርየት፡ እተክምሰልሁመ ዲብ አቃሊም ለገብእ ወራታት ወኤረትርዩን ጃልያት ዲብ ካርጅ ለወድዩ በራምጅ ለክምክም ክም ቱ አፍሀመ።

በራምጅ ሳምን ሕርየት ገብእ ክም ሀለ እንዴ ሐበረ፡ ምን ክልኦት ወርሕ እንዴ አንበተ ወራታት ርያደት ካስ ሕርየት ዲብ አቃሊም፡ ወዲብ ዮም 7 ማዕ ለአንበተት ሳምን መዳርስ አቅሊም ምግብ

ልተላሌ ክም ሀለ አብርሀ።

ዲብ አስመረ ለገብእ በራምጅ እብ ከሰስ ህዬ ዮም 16 ማዕ ዲብ አጀኒት ለአተጅህ በራምጅ ዕፌ ዲብ ሚዳን ሄለል ሰብተምበ 17ማዕ ዲብ ምስኩናም ለአመመ ዕፌ መሲቀት ዲብ ሚዳን ሄለል ሰብተምበር፡ 18 ማዕ በራምጅ ፈን ወዓዳት ዲብ ሲነመት ሮመ፡ 19 ማዕ እብ ደረጃት አቅሊም ሸዐብ ለሻርክ እቱ ምን ባካት ሸደ አስክ ሚዳን ሄለል ሰብተምበር ለተምም በራምጅ ዓዳት፡ 21 ማዕ ህዬ ፍርቀት ኡሞጃ ናይ ግብለት አፍሪቀ ለትቀድመ በራምጅ ዲብ ሚዳን ሄለል ሰብተምበር እግል ልትቀደም ክም ቱ ሸርሐ።

እምበል እሊ ዲብ ዮም 22 ወ23 ማዕ ዳሳት ማዕዩ ወዲብ ሸዋርዕ እብ 12 ፍርቀት ለገብእ ዕፌ ፈን፡ 23 ማዕ መትከባት አምዕል ሕርየት ለበሸር ናይ ርሸት በራምጅ፡ ወ24 ማዕ ዒድ ረስሚ ዲብ ስታድዩም አስመረ እግል ልግባእ ክምቱ ሰፊር ዘመደ ሐበረ።

እብ አሳስ ሰቅራት መርበይን ደርዕነ ዱሉይ ለሀለ በራምጅ ዲብ ፈዛዐት ለአተንክበት መዳፍዐት ሸዐብ ኤረትርየ ወለደፍዐ እስትሸሃድ ውውሕደት ለሸርሕ ክምቱ እት ለሐብር፡ ሸዐብ ዓያድ ወጠኑ እግል ለአግምል ሊኪ ምንመ ኢሊሐዘኪ ከም ዲመ መትካሙ እንዴ አትመቃርሐ እግል ንያራቱ እግል ልሸቄ አትፋቀደ።

እሊ ክእነ ዲብ እንቱ፡ ምስል ዒድ ሕርየት እብ ገደቡ ፍረቅ ወጠን፡ ኒጀር ወግብለት ሱዳን ለሻርኩ እት ትልህዩ ኮበራት እገር ክም ተሀሌ አፍሀመ።

መጠምጥራመ፡ እብ መናሰበት ዒድ ሕርየት ለትዳለ ግድላነ ወሄራር በራምጅ ዐማርነ እብ መራርሕሉ ለሸርሕ በራምጅ፡ አፍላም ወሳይቂ፡ ወእብ ልጅነት ዓያድ ወጠን ለትዳለ በራምጅ ለከሰሰ ምስል እብ ሚዳት አክባር ዐድነ ምን ዮም 10 ማዕ እግል ልትቀደም እምቡት ሀለ።



ግብለት፡ ምን ዮም 9-11 ማዕ ለአተላለ መሀራጃን ደረሰ ተመ



“መሀራጃን ዓዳት ወርያደት እግል ወጠንዮት” ሐንቲላ ትብል ሰቅራት ዮም 9 ማዕ ለትከሰተ መሀራጃን ደረሰ አቅሊም ግብለት ዮም 11 እት ስታድዩም መንደፈራ እብ ንያራት ተመ።

እትሊ እብ ሸክል ጅግረ ለገብእ ወራታት ዓዳት ወርያደት እብ ዓመት፡ እት መጃላት ታዕሊም፡ ፍጥር ወሰነዐት እብ ፍንቲት ለትርኤት መሻረከት ለሐመደው መምቅረሐት እት ዓዳት ቀምያት ሳህ ለዐለ ጽበጥ ጃዛብ ክም ዐለ ሸርሐው።

መስኡል ታዕሊም አቅሊም ግብለት መምህር ህብትዝጊ ኪዳኔ፡ ለበርናምጅ እት ቀበት መራሐል መዳፍዐት ወዐማር ክም ክፈል ሕርየት ግብኣቱ ፍንቲይ ክም ወድዮ እንዴ ሸርሐ እግል ሰርገለ በርናምጅ ለሸቀው ጀሃት ሐመደ። ምን 12 መዳርያት

ለመጽአው ሐድ 1000 ደረሰ ወ100 መደርሲን ለሸረከው እቱ መሀራጃን አቅሊም ግብለት ጅግረ፡ ኩረት እገር፡ ሾለሾል፡ ባስኬት ቦል ክምሰልሁመ ጅግረ ተማሲል፡ መዕሉማት ዓም፡ ረስም፡ መሲቀት፡ አሸዓር፡ መክሐደ፡ ፍጥር ወሰናዐት ለክምክም ዐለ።

እብ ብዕደት ጀሀት ማሕበር ወጠን ሸዋብ ወደረሰ ኤረትርየ አቅሊም ጋሽ-በርከ መትካም ሸዋብ እት አደቀቦት በራምጅ ዐማር ለነዘመዩ ሳምን መትካም እት ፈዛዐት ወመቅደረት ሸዋብ ዶር ክም ዐለ እለ ትሸረሐ።

ለደረሰ ምግባይት ወካልኣይት ደረጃት ሸቃለ ሸዋብ ለሸረከው እተ ሳምን፡ ሸዋብ ለአርአዉ ተጃርብ ለምቱ አብካት ለከሰስ ክምቱ መስኡል ሸዋብ ሙዴርየት አቅርደት ሻብ ያሲን ኣምድኖር ሐበረ።

ግ/በ/ቀ፡ 21ይ እጅትመዕ መጅልስ አቅሊም ዲብ ዐሰብ ገብእ

21ይ ርቱብ እጅማዕ መጅልስ አቅሊም ግብለት በሐር ቀየሕ ዲብ ዮም 10 ማዕ እት መዳነት ዐሰብ ገብእ።

ዲብ መስኡሊን ለትፈናተዩ ጅሃት ሕኩመት ወጀብህት ለሻረከው እቱ እጅትማዕ ርኢስ መጅልስ አሰይድ ዐሊ ኑር ዐለ፡ ዲብ አስምዐዩ ከሊመት፡ ዲብ ሐልፈት ሰነት ፈድል መሻረከት ጅሃት ሕኩመት ወንጅልስ ለልትሐመድ ሸቅል ክም ትሰርገለ እንዴ ሐበረ፡ ዲብ መጽእ ወክድ እብ ትወቀለት እግል ልተላሌ ክም ለአትሐዘኪ አፍሀመ።

አስር እሊ ዲብ መትመዳድ ወመትነፋዕ መአሰሳት ከደማት

እጅትማዕየት እብ ዓመት ማይ፡ ከደማት ተዐሊም ወዓፍየት፡ በራምጅ ሐርስ ወርዝቅ በሐር እተክምሰልሁመ ዕሽር ሸዐብ ለትሰርገለ ሸቅል ምስል መካሰቡ ወመታክሉ ለሸርሕ ተቅሪር እብ ከሰሶም ጅሃት ትቀደመ ወተሀደገ እቱ።

እተ ተቃሪር መሻረከት ደረሰ ዲብ ዐግሎ ተዐሊም ዐቦት ሰጅል ምንመ ህሌት ዲብ አንሳት አስክ እለ ጅሀድ ክም ለአትሐዘኪ ዲብ መጃል ዓፍየት ርኩብ ለሀለ ፈሀም ወመትነፋዕ ክም ዐቡ ዶር ወመሻረከት ሸዐብ ዲብ በራምጅ ለልትሐመድ ክምቱ ትሸርሐ።

ኣክም አቅሊም ግብለት በሐር ቀየሕ ሰፊር መሐመድ ሰዒድ መንታይ እተ ቀደመዩ ከሊመት ካቲመ፡ እጅትማዕ መጅልስ መሻክል እንዴ ቀየመ አህምየት ለቡ ፊናታት ወቀራራት ለሐላፊ እቱ ሰበት ቱ፡ እዳራት ዲብ ፈዓልዮቱ እግል ልክደመ አትፋቀደ።

መጅልስ እት ደንጎቤ መትነፋዕ ከደማት ዓፍየት እግል ልዕቤ ቀደም እለ ለፈግረ መምርሕ እት ፍዕል እግል ልሰገል፡ ወራታት ሕፍዘት ማይ ወትርበት እብ ትወቀለት እግል ልተላሌ ወመናበረት ሸዐብ እግል ትሰኔ መባደራት እግል ልትነሳእ ለልብል ፊናታት ኣለፈ።

ዲብ ምዴርየት ቅርረ ለትሸቀ ከዛናት፡ ዲብ መንበረት ሸዐብ ረህየት ከልቀ

ዲብ ምዴርየት ቅርረ ዲብ ሐልፈ ሰኖታት ለትሸቀ ከዛናት፡ ዓማት ማይ አዳም ወንዋይ እንዴ አድመኑ፡ ዲብ መንበረት ገበል ረህየት ክምሰል አምጸእ ሙዴርላ ምዴርየት አሰይድ እድሪስ ዐሊ እብ መናሰበት 34ይት ሰነት ዒድ ሕርየት ዲብ ወደዩ መቃበለት ሸርሐ።

ዲብ ሰነት 2024 እብ መዓወነት ሸዐብ ወሕኩመት ዲብ እዳራት ደዋዬሕ አራግ ወእምሀሚሚ ለትሸቀው ክልኦት ከዛን፡ እግለ ባካት ሌጠ እንዴ ኢገብእ፡ ምን ብዕድ ድዋራት እግለ ሰብክ ሸዐብ ወንዋይ ለአሰቱ ክምሰል ህለ፡ ዲብ ባካት እግለ ዐለ መሐገዝ ማይ ሲቶ

ክምሰል አርሀ ሐበረ።

ዲብ እዳረት ደዋዬሕ እምሀሚሚ ለትሸቀ ሐድ 100አልፍ ምትር መክዐብ እግል ልጽበጥ ለቀድር ከዛን፡ ዲብ ምስተቅበል ዐግም እንዴ ትሸቀ እሉ ሐድ 3 አልፍ ሄክታር ለገብእ ዲብ ሐንቲህ ለሀለ ጋድሞታት እት ለአሰቱ ወራታት ዐማር ሐርስ እግል ልሰርግል በርናምጅ ክምሰል ህለ መስኡል ሐርስ ናይለ ምዴርየት አሰይድ ኣድም ሳልሕ አብረሀ።

ከዛን ጭንረዕ፡ እግለ ምን ምዴርያት ነቅፈ፡ አዶብሐ ወብዕድ ድዋራት እግል ርዕዮ ወማይ ለመጸኦ ምዋጥኒን ወንዋዮም ዓማት ማይ እድመን እሎም ክምሰል ህለ፡

ለሐብሬ እብ ተውሳክ አትአመረት።

ሙዴር ምዴርየት ቅርረ አሰይድ እድሪስ ዐሊ ዲብ ደንጎቤ፡ እግል መቅራሕ ወመሻረከት ሸዐብ፡ ቅዋት ድፈዕ ወሸቃለ ሕኩመት እት ለሐምድ፡ ሸዐብ እብ ዓመት ወሰብ ንዋይ እብ ፍንቲይ እግለ ራክቡ ለሀለ በክት ማይ እብ መትአያስ ወሕሰር እግል ልትነፈዕ እቡ ወእግለ ሸቄይ እግል ለሀለ ከዛናት እግል ልራዕዩ ትፋነ።

ከዛን ጭንረዕ፡ ምን መዳነት እምሀሚሚ እንክር ግብለት 11 ኪሎሜተር ራይም ለሀለ እት ገብእ፡ ማይ ከርስ ምድር እንዴ ረዘቀ ዲብ ባካት ተቅዩር ዐቢ እምጽእ ህለ።

ዐንሰበ ናይር ዒድ ሕርየት እግል ልሓልፍ ልዳሌ



እት አቅሊም ዐንሰበ 34ይ ዒድ ሕርየት “መርባይነ ደርዕነ ሐንቲለ ትብል ሰቅራት እብ ደረጀት አቅሊም፡ ምዴርያት፡ እዳራት ደዋይሕ ወደገጊት እብ ለትፈናተ በርናምጅ እብ ነያረት እግል ልትዐደቱ።

እብ ደረጀት አቅሊም እት መዲነት ከረን ለትገብእ መናሰበት፡ 12 ልጅነት እንዴ ተአሰሰዮ ምን ዮም 15 ማርስ ገብእ ለዐለ መትደላይ ክም ተመ ርኢስ ናይለ

ልጅነት አሰይድ ሰራጅ ሐጂ ሐበረ።

ምን ዮም 4 አፕሪል እት ወራታት ርያደት ዓዳት ክምሰልሁመ ዮም 5 ማዮ ለአስተብደ እት ክለን ምዴርያት ገብእ ለአስመነት ሳምን ርያደት መዳርስ ክፈለ በርናምጅ ክምቱ ሸርሐ።

አሰይድ ሰራጅ እብ ተውሳክ፡ ለበርናምጅ ምን ዮም 19 አስክ 23 ማዮ ለለአተላሌ ሰሚናራት፡ አፍላም፡ ደረሰ ወሸባብ ለልኦፊዜዕ

ወጠንያይ አፍላም፡ እት ሸዋርዕ ለገብእ ዕፌ፡ ደሳት መዐዮ፡ ካርኔቫላት ውበዕድ ክም ከምክም አትአመረ።

ርኢስ ልጅነት ዓያድ አቅሊም ዐንሰበ አሰይድ ሰራጅ ሐጂ እት ደንጎበ” ሸዐብ ክም ዲመ ሰርግሉ ለሀለ ወቀይ ሐመደ።

ሰላሰ ወራብዓይ ዒድ ሕርየት፡ እብ ደረጀት አቅሊም ዐንሰበ ዮም 23 ማዮ እት መዲነት ከረን እግል ልግበእቱ።

ፎሮ፡ እዳርዩን እት ሸቅል ለሰዴ ተእሂል ልትሆብ

እዳረት አቅሊም ቅ/በ/ቀየሕ እት 15 እዳረት ደዋይሕ እግለ ሸቂ ሐዳይሰ ወገዳይም መስኡሊን፡ ውሕዳት ምዴርያት ወጃምዐት ደራይብ እት ሸቅሎም ለሰደዮም ተእሂል ምን ዮም 4 አስክ 6 ማዮ ተሆቦ።

ለዲብ ሸብህ መዲነት ፎሮ ተሆቦ ተእሂል፡ እት ዓም እዳረት፡ አትመቃረሕ ማል፡ ዐፍሸ፡ ወሳይቅ፡ አደብ እት ሸቅል፡ ባልሐት መሻክል ወፍገሪት ህድግ ዲብ ሸቅል ክምሰልሁመ አዳላይ ሰታት ለክምክምቱ።

እት እዳረት አቅሊም መስኡል ውሕደት መቅደረት አዳም አሰይድ

አማኑኤል ገብረብርሃን፡ ለበርናምጅ አተለላይ ናይለ እዳረት እት መቅደረት አንፋር ትወደዮ ለዐለት ጅህድ ወተሀይቦ ለዐለት ተእሂል ክምቱ እንዴ አሸረ፡ ህደፋ ሻፍገት ወራትዐት ክድመት አከዶት ክምቱ ሸርሐ።

መስኡል እዳረት ወማልየት ናይለ ምዴርየት አሰይድ ሰዒድ ዐለ፡ ለተእሂል እት እዳረት ልትረኡ ለዐለ ነዋቅስ እት አቅለሎት ዶር ክምቱ ሸርሐ።

እሊ ከእነ ዲብ ሀለ መስኡል መርከዝ ፖሊስ ሙዴርየት ፎሮ ተለንቱ ተከሰቱ ገብረሂወት፡ እግል ሐዳይሰ ወገዳይም እዳረዩን

ወመመቅረሐት ሸቅል እት ቃኑን ለረከዘት መሓደረት ክም ሀበ ወኪል ኤሪነ ሐበረ።

እት ምዴርየት ሎጎ- ዐንሰበ እዳረት ደዋይሕ መቀርከ እብ መዓወነት ሸዐብ ወሕኩመት እብ ሐድ 16 ሚልዮን ነቅፈ ለትሸቀ ከዞን ዲብ ዮም 08 ማዮ ትደሐረ።

እተ ሓክም አቅሊም ፓሽ-በርከ ሰፊር ማሕመድ ዐሊ ሕሩይድ ወቃእድ ቅያደት ምግብ፡ ብርጋዴር ጀነራል፡ ተከሌ ክፍላይ ለሐድረወ ዓደት፡ ለከዞን ዲብ ቀበት 13 ወርሕ ክም ተመ ለሐበረ መስኡል እዳረት ደዋይሕ መቀርከ አሰይድ አንገሶም አስመላሽ ዲብለ ባካት ለዐለ መሕገዝ ማይ ሲቶ አዳም ወንዋይ ሐል ዳይም ከም ለአመጽእ ሸርሐ።

እሊ 152 መትር ሙከዐብ ማይ ለጸብዋ ከዞን፡ 12 መትር መትወቃል ወ75 መትር ስምዋ ክም ቡ ለሐበረ ሙዴር ምዴርየት ሎጎ ዐንሰበ አሰይድ አብርሃም ሐጎስ እብ ጀሀቱ፡ መዋ-መጦርለ ዒን ማይ ሲቶ እግል ትቅዘር ለቡቱ ዶር፡ ዲብ ዐማር

ምግብ፡ ማሕበር ሰብ ምህነት በንጅ ሙእተመር ወዴ

ወጠንያይ ማሕበር ሰብ ምህነት በንጅ ኤረትርየ ማሌ 10 ማዮ ዲብ አስመረ 1ይ ሙታመር እንዴ ወዴ፡ ወራታት ናይለ ሐልፈዮ ሰኖታት ወስታትለ መጽእ በርናምጅ ሀድገ።

ርኢስል ማሕበር አሰይድ ሚካኤል ሃይሌ፡ ዲብ ሰነት 2019 ናይ መትአሳሱ ሙእተመር ለወደ ወዋንያይ ማሕበር ምህነት በንጅ ኤረትርየ፡ አግደ ሀደፋ ለሐሰት ክድመት አከዶት ክምቱ እንዴ አሸረ እት ክል ወክድ ለገብእ ተእሂላት፡ መትባዳል ተጃርብ ወውራቅ ሕፍዝ እትሊ መጃል እሊ ዶር ክምቱ ሸርሐ።

እተ መናሰበት እት ወጠን ለተኣቱ እት ገሌ ክፋላት ገሮብ ለገብእ በንጅ ዐመልያት ወመንፈዐቱ፡ ተእሂላት ወመክሰቡ ክምሰልሁመ ከዳማት ውላዳት ወመጽእ ለሀለ አግቡይ በንጅ ምስል አህምየቱ ለከሰስ ሸርሕ እብ ሰብ-ምህነት ሸባብ ትቀደመ ወተሀደገ ዲቡ።

ሙእተምሪን እት ደንጎበ ለማሕበር 2 ሰነት ለትከድም ልጅነት ሐረው።

ዐዲ-ቀይሕ፡ መዳርስ ባቄዕ እግል ልትናየት ሊክ ትቀደም

እት ተዕሊም ትገብእ እበ ሀሌት ፊራር፡ መሰል-ሰኔት ለተን መዳርስ እግል ልትነያተ ዋልዴን ተሐሰበው።

ህቶም እተ ሀበዉ ረኣይ፡ ደረሰ እብ አደብ ወበቃዐት ተዕሊም ለልኦደርስ መዳርስ አትናያት ዶል ገብእ እሉ ለብዕድመ ክም ተልዩ ሸርሐው።

ሙዴር መእንብታይት ወምግባይት መድረሰት ዐናቡር እት መዲነት ዐዲ-ቀይሕ ለሀሌት እት ገብእ ምን 1992 ደረሰ እንዴ ትከበተት ተአደርሱ።

ዐናቡር መምህር ልኡል መሓራ፡ ዕላቀት ሰላሰየት ወልዴን፡ ደረሰ ወሙደርሲን ለአግደ አሳሰ ክምቱ እንዴ አሸረ፡ እትሊ መጃል እብ ደቅብ እግል ልሸቀው ትፋነ።

መእንብታይት ወምግባይት መድረሰት ዐናቡር እት መዲነት ዐዲ-ቀይሕ ለሀሌት እት ገብእ ምን 1992 ደረሰ እንዴ ትከበተት ተአደርሱ።

መቀርከ፡ ከዞን ሐዲስ ትሸቀ



ሐርስ መሰኖ ወዘርእ ዓሰ ዶር ሰኢ ክም ለሀሌ እግሉ እንዴ ሐበረ፡ እት ዐውቲለ ሸቅል ለከድመው ጅሃት እብ ዓመት፡ ለትወቀለ ዶር ለአግዴት ውሕደት ቅዋት ድፋዕ እብ ፍንቱይ ወክሉ ሸዐብ ሐመደ።

ሓክም አቅሊም ፓሽ-በርከ ሰፊር ማሕመድ ዐሊ ሕሩይ እብ ጀሀቱ፡ ለከዞን ነሐር ወማል ሰበት ጠልቡ ስኮን እበ ሳደፈዮም መታክል እንዴ

ኢልትሐለሎ ክለ ቅድረቶም እንዴ አትመቃርሐው ዲብ እለ ደረጀት ምን በጽሐው አሰናይኩም ሐቆ ቤሌ፡ እሊመ ሐቱ መርሐለት ሌጠ ሰበት ቱ፡ መዳንን ዲብ ሻርያት እግል ልትጸገሞ አትፋቀደ።

ቃእድ ናይለ ዲብ ሸቅል ለሻረከት ክፈል ዴሸ ሀዩ፡ ሸቅየትለ ከዞን ናይ ሕበር ክምቱ እንዴ ሸርሐ፡ ስኮን ለወደወ እግሉም አትናያት ሐመደ። እት ደንጎበ ዲብ ሸቅል ጸገም ሕሙድ ለአርአው ጅሃት ሸሃዳት ትሆቦው።

ምን አስመረ ዲብ እንክር ምውዳቅ ጽሓይ 34 ኪሎ ሜትር ራይመት ለሀሌት እዳረት ደዋይሕ መቀርከ፡ ሐቱ ምን 13 እዳረት ደዋይሕ ምዴርየት ሎጎ ዐንሰበ ዲብ ትገብእ፡ ደገጊት ዐዲ-ወርሐሰብ፡ ደቂ ዳሽም ወመቀርከ ትከምክም።

ኤፌትሮየዕጸላክ

ክል አርቡዕ ለትጠብዕ ጀሪደት

መዳልያይ፦
- መሐመድ እድሪስ

ለይአውት ወኣርተየት
* ዘሀረ ዐሊ
* ፋዋነ አድም

ተለፎን፡ 121797/201820 (258)
ፋክሲ፡127749፡ ዕ.ሰ.ቡ፡ 247

ተውገዕ ጀሪደት፡
ተለፎን፡163471-07588045

አትአመሮት፡
ተለፎን፡ 125013፡ ዕ.ሰ.ቡ፡ 1284



16^ይ ክፋለ

ሕናመ እለ ላሊ እሌ፡ ሰር ላሊ እት መዲነት ሰንዐፌ መጽእነ። ደለ እግሉ አቅመትከ ህዩ ርቡብ ወማሽግ እት እንቱ እት ናይ በይኑ ዓለም ጠውፍ ለሀላ መስል እትኩ። ለአማን ላኪን ህተ ኢኮን፡ ክሉ እብ ምርት ትፍክር እግለ ወልደ ወዎድ ልንገባ እንዴ ትዋሌ ማጽአት ለዐለት አገመደ ጂሽ ወያኔ እብ አየ ወሲለት ሒለተ እንዴ ሓመቅከ ከክምሰለ እግለ መጽአተ ረኣሰ ቀደም እት ትሸክት፡ ረኣሰ ሐር እብ ኣሰ ብቁት እግል ተአሸክታቱ ለዐለ፡ ለዐበ ህም ክሉ ሚርሓይ ልግበእ ወልትመረሐ ለዐለው ፍራሰ። ክምሰሉሙ ለአሐዋል ለውቀት ወፊያገት ላሊህይብ ኢኮን ለዐለ። ለትፈትዩ ወለ ፈቴክ እንዴ ትፈንቴክ፡ መጽእ ሰበት ህሌክ ፊያገት ትህይብ እብ ኮፎ ገብእ እግል ትትርእኩ!!? እት ክምሰል እለ ሓላት እንታመ ክምሰለ አዳምክ ኢፊያገት እበ ሰበት ትሸር፡ ወደሚርክ ለለአሸሽር ሰበት በዝሕ እትኩ፡ ትም እግል ቲበል ላብድ ቱ።

አናመ ደሚርዬ እብ ብዞሕ ወሳዊስ እት ሾሽር፡ ትም እት እብል እግለ ኬን ወእንሰር ጀውጥ ለዐለ ጂሽ ለእግሉ አምር ወለ እግሉ የአምር እብ ዕንታቼ እት እከሊሉ ወአትቃምቱ ዐልኩ። ትም ዳቅብ እት ኣነ አሰረለ መቀደምዬ ለሄርር ለዐለ ነፈር ምን ሰርየትነ አትቃምት ዐልኩ። ሰርቤብ ወሰፊላል ወተቀም ምስል ደሚር ላቱ እት ክምሰል እለ ነፃር እለ ኢኮን፡ እት ካልኦመ አምዕል ኢለሐድዝ። ፍክርዬ አድብር ሕሳብት እግሉ እት ባልሴ፡ “ምን ህለ ገብእ? ወምን አሰተሸህደ? አሃእ። ሓምድ መሐሙድ፡ ግርማይ ብሰራት፡ ዑሰማን ወለክልኦት ሐው፡ ምን ፈግረ ወምን እተ እቱ ለዐለን ድፊዕ እብ ኤማን ወፊራሰት አሰተሸህደ!” እት ልብሊኒ ዶልተ ክምን ኣሰ ጋብኦት ወኢጋብኦት ልትሄብብ እብዬ ዐለ።

ክምሰል ክሉ እተ ወክድ ለሀይ አፍሁ እት ለአዝም ክልኤ እግሩ ልሰሕብ ለዐለ መጀነድ፡ አናመ ለሱረቼ ትሄርር ወለ ልብዬ ቃይብ እት እንቱ ሄራርዬ ለአተላሌ ለዐልኩ። ሄራር እንዴ እብል ላኪን ሄራር በዐል ምሽዊት! ሄራር ፋቅዲቶለ ለመናቢት ሰነዝዩ! ሄራር ለእት ኩባዱ ብዞሕ መሻዊት! አቤ! ሄራር ዝክሪያት ደበኒት! ለዝላሙ ኢጽሄት! ወዐስተሩ አሰክለ እተ ንሄርር ለዐነ ኢነት እንፋሽት ደበኒተ ሕሙርግት፡ ከፎ እግል ትትጸበሩ ማይ ኔዋት ጭሩይ!? እግላመ እግል ረአየቶም እት አትናውር ልብዬ ለእብ ግንሐቶም ፊይግ ወፈርሕ ወእብ ቅያቦም ሀ’መት ወሐዘን ግልቡብዬ ለዐለ መልሂቼ፡ እግለ ላሊ ቀዳሚት ምስልዬ ምን መነኸሰይቶ ማይ አልበ እንዴ ትከረው፡ ክምን ማይ አልበ ዛለንበሰ እት እዴ ገለጦም እንዴ ሐድገወ ከእብ ጋድጥታት ሰሚጃነ አድብር ዐይገ እንዴ ፈግረው ምስልነ ከለኡትከረው ፈቅዲቶህም

ምን ስኣል ወስርሐል፤ ፊጅአቱ ሐቱ ዶል

ምን ደሚርዬ አምዕል ወካልእ አምዕል እድዉራም ሰበት የዐለው፡ ሰአየቼ ሰአየት ሐዋኒት ተ ለዐለት።

ላኪን ግድም ምን የአመረ ሕናመ ፍላን ወፍላን እግል ልትረፎቱ ወፍላን ወፍላን ኢለአቀብሎ ብህልነ ለዐለ አለቡ፡ እት እብል እግለ ራብዕ ወሓምስ ላሊህ እንዴ ይእፈትሐ ሐልፈት ለዐለት ምላየቼ እንዴ ተዋኮህ እተ ረኣሼ ክምሰል ሐቱ ዕቅደት አሰረ እት ኣነ እግርዬ እት እስሕብ እገይሰ ዐልኩ።

መጋይሰዬመ መጋይሰ በዐል ተግባብቱ ለዐለ። በዐል ተግባብ እት እብል ተግባብ ምልህቶ ወምስንዮት ለሰብእ ምንኬን ክራር አልኦክረ ለትፋጨለ። አምዕል መራር ወመክረህት ለእብ ፈድሎም እት ሽማል ወድ ለዐል እግል ኢጊሰ በክት ለአርሐበት ምስል ረቢ ክትበዩ። ክልኤ እግርዬ ገይሰ ወልብዬ ሾሽር። ገሌ አምሩ ወሰርመ እብ ረአየት ዕን ለአምረኒ ወኣነ እትሸከኩ። ላኪን እብ ምን እግል ትሰኣል ወምን ምን እግል ትእዘም። ለሒሰ ሕርያን ምስል ደሚርክ ተቀም ብህል ልትፈደል እንዴ ትቤ ግያሰ በዐል ምሽዊት ትሐፊ!! አይወ ግያሰ ምስል እት መቅጠንክ ራፍዑ ለህሌክ ብዞሕ ዝክሪያት፡ ምስል ሰርቤብ ወሰፊላል፡ ለእት ትብልዕ ወትሰቱ ስያር ወዴኩ። ለሚዛኑ ክብድ ምን እግሉ ጸውር አሰለሐት። ሐድ አርበዕ ክፈል ጂሽ እት አሕድ ሰበት ትሓበርኩ፡ ለድዋር ክሉ እምበለ እገር ለኬን ወእንሰር ለአምሆልል ትርእዩ መልሀዩ ነቅም ላቱ ብዞሕ ኢትርኤ ወኢትሰምዕ እቱ ለዐለ።

ስድፈት ምስል ወድ ፈሲለትነ ለዐለ ዑሰማን መ/ዐሊ ሰልማን (እስታቅፍሩላህ) ምስል ሐሁ መ/ዐሊ ትራኩብኩ። መ/ዐሊ ክፈል ጂሹ 12 ቱ ለዐለ። ክሉ ለሽብሃት እምበለ ለምም ጂሽ እበያመ ገይሰ ክምሰል ህለ ኢልትፈርግ እግልኩ። ህቱ እንዴ ኢልኦንተብህ እግልዬ ረአየቼ ሰበት ሸፍገት እቱ፡ ለእግለ ሻፍተ ለዐልኮ ምላየቼ ገጩ እንዴ ገልብብኩ እበ ሐለፍ እቤለ። ሚ ቱ ለሰብብ? ምንዲ ትብሉ ዑሰማን ምስል ሐው ሰልኦስ ቶም ለዐለው። ኣነ ትቀየርኩ ወኢደሌኩወ ምንዲ እብሉ፡ እንዴ የሐሴ፡ ካልእ ህግዩ ተአሰምዕ። ሰበት እለ ምንዲ እትሐበዕ ልትፈደል ሰበት እቤቱ ለናዩ ሕርያን። እለ ነፃር እለ ፍላን ትጀርሐ ሐቆ ሰምዐክ ምን ሀይ ወለዐል ትፈርሕ እግለ። ሐክር ምን እስትሸሃድ ትሐርዩ እግል በዐል አምርክ ወኢያይኩ።

ምን መናድል መ/ዐሊ ሐ ዑሰማን ቅርብት መሳፈት ሐቆለ ትሳርሐኩ፡ አዜመ ምስል ዑሰማን (እስታቅፍርልህ) ኖሱ ትዋጅህኩ። ምስል (እስታቅፍርላህ) ምቀደም ድፊዕ እት ነሐልፍ ክለ ላሊህ ረቢ ቀመት እንዴ ይእነሰእ ንትመዬ ለዐልነ መለሀይ ብዞሕ ዝክሪያቼ ቱ። እተ ወክድ ለሀይ፡ ናይ ክሉ ለድፊዕ መስኡልየት ህይብትክ ሰበት ህሌት፡

ፈርሀት ወመስኡልየት ሰበት ክብድ እትከ እንዴ ኢትሰክብ ትትመዬ። ጽብሕ ምድር ያፈራጅ ልብል እትኩ። ዑሰማን ላቱ ናዩ በናተ ለዐለት፡ ብርእ ሰበት ኢልብል ሐቆ ምግሳዩ ጸብጠ ገብ እብ ሰካብ ቱ ለልብል ለዐለ። ቃእድ ፈሲለትነ ለዐለ ዐይኖም አረፋይኔ እት ክል ርቡዕ ሳዐት ክእት ምርትነ እት ደውር ሚ ህሌት ሐዳሰ? እት ልብል ልትሰኣለኩ። ዑሰማን ሳክብ ሰበት ጸንሐ ትሰኣለዩ ምንዲ ገብእ (እስታቅፍር እላህ) ልብሉ። አሰክዬ እንዴ ለአቀብል “ዑሰማን (እስታቅፍሩላህ) ቤሌኒ ሚ በህለቱ ተ? ወክም መካይን ረኣ፡ ወአንዋራተን ሐሰበ ህጋሁ ፍርግት እግልዬ ይህሌት” እት ልብል ቱ ልትሰኣለኒ ለዐለ። ኣነ ህዩ ሰክብ ክምሰል ጸንሐዩ ልትፈሀመኒ



ሸሂድ ሓምድ መሕሙድ ዑመር

ዐለ። እብል ዑሰማን እስታቅፍሩላህ ሰብቀት እቱ።

ክለኒ ንትሐላለፍ ሰበት ዐልነ ፍንጌ ፈርሐት ወድንጋጽ ሕኑያም እት ሕነ እት አድሕድ ህድም ትብህልኩ፡ ኣነ ወዕሰማን። እት ክምሰል እለ ሓላት ህዩ ፍንጌ ክልኦት ሽዑር መክረሃም ትትሐኔ። እንተ ወለ መልሀይክ እግል ኖስክም እብ ፍላን እግል ኢልትሰኣለኒ እት ትብል ምስል ልብክ ትሾሽር ወትትበኣሴ። ኣነ እንዴ ሽፈዝኩ፡ “ዑሰማን ከረ ሓምድ መሐሙድ ህዩ!? እቤ። ከሰኣልዬ እንዴ ይኣተምም ዕድ ዒደት ህተ እንዴ ሸንቀተኒ ሕዩር እትነ እብ ልብ እትቅሱይ ተወወ እቤ። ዑሰማንመ ቅብላቼ ተወው ዋዲ እት እንቱ ትም ቤለ ምንዬ። ለበሊሰለ ሰኣልዬ ኖሼ በሊሰ መክሩህ ረኩብኩ እግሉ መሰለኒ፡ ገኖቦቼ ትኮተተ። አናብዕ ዕንታቼ ምን ዔማቱ ክምሰል ሻክት ቅዝር ምን መዓይረ ትፈልፍል ጀለም ቤለ እብ አናብዕ ሕፋሴ። ለናዩ ብካይ እብ ደሚር፡ ሰፊላል ወግብእ እግል ፈታይ ወመልሀይ ለትብልሰ የዐለት። ላኪን ለአርወሐት እግል ኖሰ ናዩ ረድ ፍዕል ሰበት ተህይቡ እበ ሸቀወ ተእሪክ እት ሐበን ሕፍን እንቤዕ ኢረቀብኩ

እቶም። ለአብጽሐት ለእት አምዕል ተእሪክ ታእሪክ ሸቀው።

“አይወ” ቤለ ዑሰማን ከአሰክለ ለቅብላትነ ለዐለ ደብር ውቁል እምበ ሴረ ወሐቆ ክልኤ ሳምን እስትሸሃዱ ወእስትሸሃድ ሐሁ እድሪሰ መሐመድ ዐሊ ሰልማን፡ ልትጸበር ለዐለ፡ አትቃማት ምንዬ። አትቃማት ዑሰማን መለሀዬ፡ አትቃማት ግምሽ እኮን ለዐለ። እግለ ቀርእ ወተርጅም እሙርቱ ለዐለ። አይወ! አትቃማት በዐል ባድያይት ለምን ምውዓለ እድንግብት ቱ ለዐለ። አይወ! ላመ እቦም እትሰኣል ለዐልኮ እድንገባም ክምሰል ዐለው ግድም ኢብዴት ምን ደሚርዬ አናመ። ገርብዬ ትናክኦ፡ ወትሳኩ፡ እትአምራተ ሰርሓሆም ግመት ግብእ እተ ትከረፍኩ። ሰኔት ሚተ ፍንቲት ፋርሰ ወገልገላይ።

ጽሙም አው ልጉምቱ ወቤለ። እግል እድገሙ ፍክርዬ ለኢለዐብር እቱ ሽዑር እግል ክሉ ሰርዐት ዓሰብዬ ለለአሾሽር ወሕሳባት ሐንገልዬ ለለሕምርግ ወሸትት መክሩህ ሽዑር ህቱ ሰይጠረ እቱ ገርብዬ።

አይወ! ሽዑር አተግድዖት ወግብእ። እግለ ምስሎም አትአመረተኒ አምዕል ይእርገም፡ ምስል ፍራሰ ሳብት ኤማኖም፡ ወሕጠጣም እት መባጥሮም፡ ወዳይም ወቀዮም፡ ታእሪኮም እግል ዲመ አልዳይም ላልትደገም ምስሎም እት ጢሾ ሕሽመት ወሐበን ዐገለተኒ ወአተአመረተኒ። ሓሽዕ!!! ኢኮን፡ ኢናየ ወኢትትህየብ ለአምዕለ ዳየ ወጠን። እብ ታእሪክ ወሐበን ላትትፋቀድ እተ አምዕል ሕሽመት ተ። አሰናይ ተአመርነ ወትጋሴነ ወእብ ፍንቱይ እት ወቀይ ፍራሰ ገብኦት ላመ ትልያነ ወለአምርኩ። እብ ሐዲሰ ሽዑርዬ አትሐደሰኩ፡ ወርሕዬ አትዓከኩ። ክእብ ፋቀዲቶ ረኣሼ ሐር ነተልኩ። ትሰሐቅነ ወትሃጃክኩ፡ ተልሄነ ወምስል አውቄኩ። ላመ ሄራርዬ አሰክለ ወክድ ለሀይ፡ ሌጠ እንዴ ኢገብእ አሰክ እለ አዜ ለእት ወረቀት ሲረቶም እንዴ ረፍዐኩ እግል ክቱብ አድኖኔ እተ ለህሌኮ መደት፡ ሐቆ ፈድለ ምን ኢሀለዮት ክልቁነ ረቢ ለዓለምን ፈድሎም ክምሰልቱ ትየቀንኩ።

እት ወቅት ሰድት ወረሀየት፡ ሰሓቅ ወሆርዮ። አርድ ምን ሕሊል ሾመት ጫብብ እት እንቱ እስትሸሃድ ወሐጠር ወፍርሰነት!። ሰብሓን አላህ! ትም ክምሰል ክልኤ እትፍየት ለሳልሰይተን አደንገበት። ክለኒ እብ ደሚርነ በኬናሆም ወትፋቅድናሆም። ከኖሰናመ ሚ እግል ኒዴ መሰለክም? ብካይ ፍራሰ እብ ደሚርቱ። እግለ እግል ዶሉ ዋርሰትነ ለዐለት ሽዑር ጭንብወ ለፈሌ ምኒነ ህዩ ምርትነ እብ ህግዩ አፋሁ እግል ልፍተሕ ዐለት እግሉ። ፈጅአተን ሸሂድ ዑሰማን እግለ ግልብብትነ ለዐለት ሽመት ግብእ ወመኣከይ ለትቀልዕ ዘዐት እበ ነዋቀ።

“ዐብደላ አብሸርከ! ሐምቅ ሚ እንተ! ሓምድ መሐሙድ ወግርማይ ብሰራት (ዐጋሚ) ወአድም መሐምድ ከነ ወድ ናረ ውብዕዳም እንተ እቦም ለትሰኣል ወሀቶም ክምሰልክ እንኩ፡ ላልትሰኣሉ፡ ዮም ላሊ እት ነኣንሰሕብ እት ፎርቶ ሰርሐ አሰተሸህደው። ህቶም ጀነት ወርሐመት ትኣትባርዶም። ሕናመ አሰክ ነዐርዮም ሰብር ወኤማን ልካፍለን” ቤለ ከእብ ሐዲሰ ትም ቤለ ምንዬ ዑሰማን ለመልሀይለ አማንለ ፍራሰ ለእስትሸሃዶም ሓድር ለዐለ ወእስትሸሃዱ ለኢሐድረው። ሰምዖ እሊ መብህለ ፋርሰ ለምን አባዩ ሐር ኢልሐመጥምጥ ወኢለሐረግርግ!! አሚን እበ ረቢ ካፍሉተ ወካልቁ እብ አማን ቱ ለነዋቅ። ላመ አምሩ እት ኣነ ቀደም ሰምዑ ሓሰብ ምኑ ለዐልኮ ክብር እስትሸሃድ ለመናቢት ሰነዝዩ ወመልሂቼ ምነ ዕዛለ ገዱ ወለ መቀርጠነ ምልትሐ ክምሰል እቅርኡ ትፈሀመኒ።



ልእኮት ውዛረት ሐርስ እብ መናሰበት 12 ማዮ- እድንያይት አምዕል ዓፍየት ብቅል

እት ሰነት 2022፡ ምድልስ ዓም መዝመት ምድልስ ቅራን፡ 12 ማዮ እድንያይት አምዕል ዓፍየት ብቅል እግል ትግበእ እብ አሳሰለ ነስኦዩ ቀራር፡ እት እዲን እግል ራቤዕ ኢነት፡ እት ኤረትርያመ እብ ትሉሉይ እግል ራቤዕ ሰነት ትትዘከር ህሌት።

እድንያይት አምዕል ዓፍየት ብቅል እት ንትዘከር ዲቡ ወክድ፡ ዓፍየት ብቅል፡ ክም ክፋሎ ለትመሳኒ ንዛም ዓፍየት እንዴ ተወላዕት፡ እት አርወሐትነ ወአሰሉል መናበረትነ ለህለ እለ ዶር ውቁል እግል መትዘከር ቲ። እድንያይት አምዕል ዓፍየት ብቅል፡ ዮም ዓመት “አሀምየት ዓፍየት ብቅል -እት ለትመሳኒት ዓፍየት” እበ ልብል ሸዓር ትትዘከር ህሌት።

መካሪት ምድር ኤረትርያ፡ እብ ብዝሐ ተቅዩራት ሓለት ቱ ለልትአመር። እብ መጽቡ

እቱ እንዴ ጸምደት ትሸቀ ጸንሐት ወህሌት።

ምናተ፡ አተላላይ ለቡ ምስተቅበል ጀላብ እግል ልትደመን፡ ኩሉ ንዛም በህለት “ለትመሳኒት ዓፍየት” መተ’በዕ ለአትሐዜ። እሊ በህለት፡ ለጉብኦ ሕማም ብቅል፡ ምን ሕማም ሐዋን፡ ዓፍየት አዳም፡ ክምሰልሁመ ምን አጥራፍ እንዴ ትፈንተ እብ በይኑ እግል ልንበር ሰበት ኢቀድር ምን ተአከዳ ቲ።

ምድረት ባልዲን ወሕማማት ብቅል፡ መናበረት ሐረሰቶት ለረብሸ ሌጠ እንዴ ኢጉብእ፡ ዐቢ መታክል እቅትሳድመ ለአመጽእ። መሰለን፡ ትሉሉይ ወራር አንበጠ ወባልዲን ብዕድ እግል ጋብሆት፡ ኬወ ሕበር ክም ተአትሐዜ ሕኩመት ኤረትርያ አክል-ሕድ እጥምእናን በ። ሰበት እሊ ቲ፡ ምስሉ እበ ትሄርር መስገዮት ሸራኩት እግል ትወቅል፡ ምስል



ሰኒ ትርድት በን። ለበዝሐ ገበልነ ምናበረቱ ዲብ ሐርስ ሰበት ተአትንክብ፡ አዝረአት እብ ሕማማት ወባልዲን ዶል ልትወረር፡ ለትመጽእ ኩሳር እቅትሳድ ቀላል ኢኮን። ገሌ ብሐሱ ክምለ ለሐብሩ፡ ምን 20 አስክ 40 ምእታይት ምን እተይ አዝረአት ኤረትርያ፡ እብ ሰብ ባልዲን ወሕማማት-ዘርእ ክም ለሀገን ልትሸረሐ።

ለኩብደ ሸክል ናይ እሊ ህዬ፡ ለባልዲን ወሕማማት እብ መጽብ አስሐባብ ወገሽለት ዶል ለዐምም ከመጽእ ቲ። አስሐባብ አንበጠ ወተብዕን ባርኖስ ቀይም ለዲመ ህለው ምስልና ዛህራት ቶም። ውዛረት ሐርስ ምስል ሸዐብ፡ እዳራት ወቅዋት ድፈዕ ኤረትርያ እንዴ ትሳዴት እበ ለትጉብእ ትርድት መጋብህት ላኪን፡ መደረት እንዴ ኢለአጀሩ ሐን መራቀብት ለልአቱ ቶም።

2, ዓፍየት ብቅል ወተዋብ ንዋይ

ዲብ ተዋብ ንዋይ፡ ለጉብኦ ሐዋን ዓፍየትቱ ለትአከደት ብቅል እግል ልብላዕ ወጽብ። እሊ ጉብኦ ምንጉብእ፡ እብ ሕማም እግል ልትአዜ ኢቀድር። ወድ አዳም ህዬ፡ እብ ገበይለ ምን ንዋይ ለረክበ ነብረ፡ እበ ምን ነብረ ለመጽእ ሕማም ኢልትጸበዋ

በህለትቲ። ሰበት እሊቱ ህዬ ዓፍየት ብቅል፡ ዓፍየት ንዋይ ወአዳም ዱቅራዕላቀት በን ለልትበህል።

3, ሕዲን ማይ ወከህላት ብቅል

ሕዲን ማይ ዲብ ልትኬለም እት ገይሰ እቱ አውካድ፡ ከህላት ብቅል እግል ባልዲን ወሕማም ነቅሱ፡ ፈርያት ነብራመ እብ መጽቡ ልትደሀር። ለአማን እለ ሰበት ቲ፡ ሕርያን ናይለ ጀሐር፡ ሕማም ወባልዲን ለደቅብ አካል በደለ ለአለቡ ክያር ቲ። ውዛረት ሐርስመ፡ እለ አማን እንዴ ፈህመት እብ ገበይ ወጠንያይት መአሳት ብሐሱ ሐርስ ሕሰር ውቁል እንዴ

ውድየት፡ አተራድ ሕፍዘት ትርበት ወማይ፡ ክምሰልሁመ ለመድ ወአተላላይ ለበ ምቅረሐ ምድር፡ ገሌ ምን ምህም ዐዋምል ናይለ ምስል ሓለት ጀው ለናሱብ አግቡይ ሐርስቲ። ዲብ እሊ መጽል እሊ ኤረትርያ ሰርጉል ሸቅል ዋድየት ህሌት። እብ ፍንቱይ ዲብ ሕፍዘት ትርበት ወማይ ሰጽል ለህለ ሄራር ሰኒ ለልአትናይትቲ።

6, ፈዛዕት ሐረሰቶት ወቅሉት

አምር ሐረሰቶት እብ ክሰሱ ለሐሰ አብሳር ዓፍየት ባልዲን፡ ሕፍዘት በርከት ሕያያም፡



ህዬ፡ ዲብ ወራታት ሐርስ ወዓፍየት ብቅል ብዘሕ አብነት ወተሐድያት ለከልቅ ቲ። ሐርስ ዲብ ኤረትርያ፡ እብ ዐቢሁ መብዝሐ እብ ነኣይሸ ዳርቃታት ምድር ቀሪም ለቁመ፡ እብ ክቡድ ጨቅዋ አጥራፍ ወብቅት ባልዲን ለልተምተም ወራት ቲ። ከናይ እለ ሰነት ሰቅራት ግድም፡ ለብናቱ ጅምለት መሐለኪት ክም ትሉሉይ ወራር ባልዲን፡ ሕግላን ማይ፡ ለትትባደል ሓለት ጀው፡ ክምሰልሁመ ተሐድያት ዐቂብ አርዛቅ ጠቢዐት እት ሕሳብ እንዴ አተ፡ አትሐዘዮተ ዲብ ኤረትርያ ሰኒ ምህም ጋር ጉብእ።

ዶር ለትመሳኒት ዓፍየት


ወመዳፍዐት ባልዲን ዲብ ኤረትርያ እት ሐልፈ ሰኖታት፡ ውዛረት ሐርስ፡ ዓፍየት ብቅል እግል ተአድምን፡ እት መዳፍዐት ወመራቀብት ዐለይታይ አንበጠ ሰቦት ወአንበጠ ዕጩይ፡ ተብዕን ቀይም ወዱድ ብቅል፡ አደቃብ ንዛም ክልኩል ብቅል፡ አልመዶት ወአደቃብ ለትመሳኒት እዳረት ባልዲን፡ ክምሰልሁመ ጠወሮት ናይለ ጀሐር ወሕማማት ለልክህል አካል ለመሰል ዐባዩ ፊራርታት

ብዝሓት መዝማማት እዲን ክም እድንያይት መዝመት ነብረ፡ መዝመት ዓፍየት እዲን፡ እድንያይ እትፋቅ መዳፍዐት ብቅል፡ ክምሰልሁመ ምስል እድንያይት መዝመት ዓፍየት ንዋይ፡ ሸርከት እንዴ አሰሰት ትሸቁ ለህሌት።

ዕላቀት ለትመሳኒት ዓፍየት እት ኤረትርያ፡

1, ዓፍየት ብቅል ወመንበረት ሸዐብ

እት ተዋልል ኤረትርያ፡ ዓፍየት ብቅል ወመንበረት ሸዐብ ዕላቀት



ሀበት ትሸቁ ዲብ ህሌት።

4, አደቃብ ወጠንያይ ንዛም ክልኩል ብቅል

ሐዲስ ባልዲን ብቅል ምን ቀዳምክ አሌለዮቱ ጀላብ እግል ልትቀደር፡ ንዛም ታየኖት አሰሰት ወአደቃብ ልጽናሕ እግልዬ ለይእንብል እቱ ሀደናቱ። ሐዲስ ባልዲን እግል ፈረጎት ለሰዴ አሰሰት ዘበናይ አላት ላቦራቶሪመ ጅዙእ ናይ እሊ ንዛም ታያን ቲ። ውዛረት ሐርስ፡ እሊ በርናምጅ እብ በቃዐት እግል ልትከደም እቱ ለልትሐመድ ሄራር እርኢት ምንመ ህሌት፡ ብዘሕ ለተርፍ ምን ጋራት ክም ህለ ላኪን እግል ልትረሰዕ አለበ።

5, አትናያት ምስል ሓለት ጀው ለገይሰ ሐርስ

ጀሐር ወሕማም ለልክህል ጅንስ እክል እግል ወሰዶት ዲብ ብሐሱ ወተጠውር እስትሰማር

ክምሰልሁመ አሰበቅት አተላላይ ለቡ አግቡይ ሐርስ ክም ለዐቢ እግል ልግበእ፡ ክል ወክድ ካድም ጉብእ ህሌ። ውዛረት ሐርስ፡ እብ ሰብ መቅደረት ምህሮ ሐርስ (ኤክተንሸን)፡ ሐረሰቶት ክልዶል ምስል ለልትጋመው እት መድረሰት ሐረሰቶት እንዴ ዝመት፡ ክምሰልሁመ እብ ዒማት አክባር ወጠን ለልትሐመድ ካድም ትወዴ ህሌት።

እት ደንገብ፡ ኤረትርያ እት ዓፍየት ብቅል ብዘሕ ተሐድያት ክም ሳድፈ እመር ቲ። ዝክረት እድንያይት አምዕል ዓፍየት ብቅል ግድም፡ ባልዲን ወሕማም ብቅል እግል ዓፍየት አትሐዘዮት ንዘም ስትራተጅያይ ስታት እግል ለህሌ እግልነ ለትአተንብህ ቲ።

ውዛረት ሐርስ -12 ማዮ 2025



ለናይ ደንጎበ ወራር (5^ይ ክፈለ)

አባይ ዲብ እሊ ወራር እሊ ለአምጸአዩ ዋወር ደባባት ዐሉ፡ ለደባባት ናይ 100 ሚሊሜተር ምንማቱ ሃይድሮሊክ በህለት ዝያደት ሰበጣነቱ እብ ቀሊል እግል ትትሎለብ ለትቀድር ብዙሕ ኪሎሜተራት ለይሄረረ ጀዲድ ሰበት ገብኡ፡ ምን እምህሚሚ አስክ መሓዝ አልጊነ እግል ልብጸሕ ወክድ ኢነሰኦ ምነ፡ ሕናመ ለድቁብ አክራት እዘነ ዲብ ለአጸምም ዲብ ሽምሽመ ሕሊል አልቃም ዲብ እንደፍን እሉ ክምሰል ኢለሐልፍ እግል ንክርዑ ሌጣ ትባደርነ።

ሕሊል አልጊነ ምሮ ምነ እስትራተጂያይ ሐላይል ሳሕል ቲ። ደባባት አባይ እብ ሕሊል አልጊነ በክኦ ምንገብኢ ሰሩ እብ ሕሊል ተቤሕ አስክ ከረ ገረግር' ሐሊበት ወአራግ ወሰሩመ እብ ሕሊል ፈልከት አስክ ከረ ሕሽክብ ወዐምበርብ ወዝያደት ክሉ ህዩ እብ አግረዕ እግል መዲነት ነቅፈ እብ ግራህ እንዲ አተ እተ እግል ጀብህት ነቅፈ ምን ድጌ ሰውረት እግል ልክረመ ቀድር። እብሊቱ ህዩ አባይ ምነ ባጽሑ ለዐለ ድዋራት ግላኒታት እግል ኢልትቀደም ምሕርበት ክመ ናይ ሰነት 1979 ምን ዐዳይሎ አስክ ደብር ቀጣር ድቁብ ሰዋትር እንዲ ሸፈ ከሸ ለኣብል ዲብ ህላ፡ ፈሲለት ሀንደሰትመ እተ ክምሰልህ' እበ ትዋሬ እብ ለዐለት አልቃመ እንዲ ወዴት ቱ ዲብ ደውሸኸትለ ወራር ፍርርት ለዐለት።

እትለ ምሴት እሊ ለእብ ክለ ሓለቱ ለተበገሰ ዴሽ አባይ ገሌ ገሌ አካናት ምንመ ጸብጠ ለዩም አለቡ ደባብ ሳኪን ፍንጌ ድፈዕ ወድፈዕ አባይ እብ መዳፊዕ ወአልቃም እንዲ ደውሸሽ ተረርፉ ገጽ ግሪ ክምሰል ልትወለብ ገብኡ። ፈሲለትነ አግደ መዐስከረ ዲብ ቀብር ወኣት እንዲ ወዴት ቱ ሰረ እብ ጀህት ገረግር ዲብ ሕሊል ሽግለት ወሰረ፡ ምን ቀብር ወኣት ዲብ ትትበገስ ዲብለ ፍንጌ ክልኣት ድፈዕ ለዐለ ሕሊል አልጊነ ሳሊ እብ ግዲደ ምድር ቀደሸ ዲብ ተኣብል ድድ መካይን ወአዳም አልቃም ዲብ ደፍን ሕሊል አልጊነ እብ ቀሊል ክምሰል ኢልትሐለፍ ወኢልትክደድ ትወዴ ለዐለት እቱ ወክድ ቲ። አልቃም እግል ኖሱ መብቅያይ ወክጠር ወምሰሉመ ፍንጌ ክልኤ እሳት በህለት ፍንጌ ክልኣት ድፈዕ እንዲ ገኣከ እግል ትሸግሩ ናይ ሞት ወሐዮት ሕርያን ቲ።

እትለ ምሴት እሊ አነ ምስል ቃእድ ሰርየትነ መሕመድ እድሪስ አስክ ደብዐት ትብገሰነ። እሊ ህዩ አነ ቀደም ወራር፡ እምዳድ ናይለ ፈሲለት ሰበት ዐልኮ ወአካን እምዳድነ ልሰዕ ዲብ ደብዐት ሰበት ዐለት፡ ወዲቡመ ለእብ ጀህት ግራት ለዐለት ፈሲለት እቱ ታርፈት ሰበት ዐለት፡ ቴለል እግል ንድሌቱ ለዐለ። መኪነትነ ሕሊል ፈልከት እንዲ ወሑት አፍጩወ ክምሰል በጽሐነ ድግለበት ሽንክት ሐዋረት እንዲ ትሎለብነ አሰልፍ ዜሮ አቴነ ዲቡ እንዲ ኢንትመዩ አስክ እብ ገበይ ሰበር ቀጤ አስክ ደብዐት

ነሐልፍ እይት ህሌነ እትለ ሳሊ እሊ ለእብ ጀህት ዐገት ወፈልከት ሻፍፍ ለዐለ ዴሽነ መካይን እንዲ ትጸዕነ ዲብ ለሐሌ ወጎሌ ዲብ ለዐልል ወለአጣቅዕ አስክለ ሕፋን መግርክ ገብኢ እቱ ለዐለት ጀብህት ቅብለት ሳሕል ለሐልፍ ዲብ ህለ ዝያደት ኤማን ወሐጠር ዲብ ልሰመዐነ፡ ለቴለል እግል ዲብ ሄለል ሰነት 1979 ወክድለ እንሰሓብ እስትራተጂ ዲብ ፈልከት ደረሰ መድረሰት ሰውረት ለዐልነ እቱ ወክድ አፍቀዳ።

ዲብ ወሬሕ ሐቱ ናይ ሰነት 1979 ደረሰ መድረሰት ሰውረት ወብዕድ ናይለ ተንዚም አጅህዘት ክሉ ምነ ቀደሙ ለዐለ እቱ ድዋራት ብሌቃት፡ ፈሕ፡ ነቅፈ፡ ደብዐት፡ ዐገት መፍገር ገሊል አስክ ምነ ሕሩር ለዐለ መዳይን እንዲ ኢተርፍ ዕውር ሕደግ ወሐንኪሽ ክምሰለ ትበህለ አስክለ ዝያደት መንገፎ ለሰኦ እቱ ድዋራት ለአንሰሐብ እቱ ወክድ ቲ። እሊ ክሉ አጅህዘት ተንዚም ዲብለ እብ ድማኑ ወድገለቡ እብ አድብር አድብር ለትክለለ ሕሊል ፈልከት ንኢሽ ክመር እቱ ለዐለ ወክድ፡ አትዋየን። ዴሽ አባይ ክምሰለ እሊ ናይ አዜ እብ ማርሰ ተክላይ ዲብ ልትክብብ እንዲ መጽኦ ጋድም አልጊነ ክምሰል በጽሑ ለዝያደት ገለብ ወሕጌ ተንዚም ወሽዕም ላቶም ፍራሰ ምሕርበት ጀብህት ሽዕብየት አደሐ ምድር ጸሓይ ወሆባል ዋያር ሐርብ እንዲ ኢለዐልጅቦም ለዲበ መርሐለት ለህ ልትሐሌ ለዐለ ሐልየት ሰውራ ዲብ ለሐሌ መካይኖም አደሐ ምድር እብ ሕሊል ፈልከት አስክለ ደም ቀዬሕ ልትከዴ እቱ ለዐለ ሰዋትር ግላኒታት ወጉሮይቶ ለሐልፎ ዲብ ህለው፡ ዝያደት ኤማን ወምርወት እቡ እንሸዕር ለዐልነ እቱ ወክድ ፈቀድኑ። ለወክድ ለህይ ቀለም ወክራሰ ጸውር ለዐልኮ ደረሳይ መድረሰት ሰውረት ምንመ ዐልኮ አዜ ሳተ ሐቆ ሰቦዕ ሰነት ምናድል እብ ዝናሩ ዐልኮ። ሳኪን ሰነት 1985 ወ 79 ክሊተን ለትፈናተዩ ሰኒን ወላመ ተንዚም ምነ ዐለ እተ መርሐለት ዝያደት እንዲ ዐበ ወሽንገለ ኢኮን እብ ከላሸን ተጃርብ ደባብ እብ ደባብ ባጽሕ እቱ ለዐለ ወክድ ቲ።

ደብዐት ክምሰል በጽሐነ፡ ሕሊል ደብዐት ክምሰለ ናይ ወክድ እንሰሓብ እብ ጭምብወ ብሐት ዲብ እንቱ ትክብቴነ። ዲቡ እንዲ ትመዩነ ህዩ ፈጅህራተ ማሲ ምድር አስክለ ትብገሰነ ምኑ ሕሊል ቀብር ወኣት አቅበልነ። ክሉ ሰፈርነ እብ ሳሊ ሰበት ዐለ ህዩ እምበለ እብ ጀህት ቅብለት ደቅድቅ ለዐለ መዳፍዕ ምን ዕንታት ዋያራት ሐርብ ሳተ ሕብዓም ዐልነ። ሳሊ እብ ግዲደ ንትለበስ ሐቀለ ትመዩነ ህዩ ጽብሕ ምድር ናይ ዮም 12 አክቶበር 1985 ቱ ቀብር ወኣት ለኣቴነ። ሕሊል ፈልከት ንኢሽ ሕሊል ቀብር ወኣትለ ዲብ ልትሐበሮ እቱ ባካት ቱ ዕስኩራም ለዐልነ። ፈሲለትነ ግራነ

ዲብለ ምህለት ለኢለህይብ ሐርብ እንዲ ትጸመደት ዕርፍ ወራሐት ደዐለት እግለ፡ ለሕሊል ክምሰል በጽሐነ ሳኪን ለለኣትዐጅብ ሸኢ ጸንሑነ፡ ክሉ ጋምል ወራዊ ለነአምሮ ድበዕ ዐዳይ ወያበል ክም በዲሩ አቅሹት እብ ሽማል ዲብ ልትነዋኔ ኢትክብቴነ። እበ ግራነ ልትከፍከፍ እቱ ለዐለ ቀናብል ወናፓል እንዲ ትከንተ ወነደ ለተግዝል እቱ ጽላል ለኢትረክብ እቱ ክሉ ለሕሊል እበ ልዘረኢ እቱ ለዐለ ቀናብል እንዲ ተሓፈረ ለምድር ሸክል ብዕድ እንዲ ጸብጠ ጸንሑነ።

ምድር ዕጩዩ ወጨበሉ ናድድ ክምሰል ጸንሑነ ለፈሲለትነ እትርፍት ለህሌት ኢመሰለ እትነ። ሳኪን ምስል እሊ ክሉ ምን ምድር ወዐስተር ልትከፍከፍ እተ ለዐለ ጅሌል ወቀናብል ነፈር እንዲ ኢልትሸተሕ ምነ እብ ከማለ ክምሰል ጸንሐተነ ዝያደት ጉማነ ሰክበ። ዲብ እት ሕግሰ ዕንክለት ለህሌት በዐት ዐባይ እንዲ ሰክነት ምኑ ዲብ ትትፈረር ወተዐይር



ፈሲለት ሀንደሰት (ቀብር ወኣት 1985)

ዶል ድማን ወዶል ድግለብ ምስለ ወራር ዲብ ትትባደር ዶል ገረግር አስመረ ወዶልመ ቀብር ወኣት ዶል ሕሊል አልጊነ ወዶል ሕሊል ሽግለት ዲብ ክሉ ዲብ ትትሳሰዩ እግለ ሰረ ዲብ አድብር እንዲ ትሸፈለ አልቃም ድድ አዳም ዲብ ደፍን ወሰራመ ዲበ መሓዛት ወጋድሞታት ድድ መካይን ወደባብ ዲብ ቀብር ለወክድ ዕርፍ ወራሐት እንዲ ኢትብል ዲብ ሸቅል ትሩድ ጽምድት ጸንሐተነ።

ሐቆ እሊ አነ ዲብለ አስክ ገረግር አስመረ ለጌሰት መጅሙዐት ጊሰነ። መጅሙዐትነ ዲበ ምን ወክድ ሳድሰ ወራር አስክ ተድሚር ናይለ ዲብ ቅብለት ሳሕል ሻፍፍ ለዐለ ዴሽ አቶብዩ ለገብኢ እቱ ወሬሕ ሰለሰ ናይ ሰነት 1984 ዕስኩራም እተ ለዐልነ ሕግሰ ደብር አቦት እንዲ ዐሰከርነ። ምኑ ዲብ ንትብገስ እብ አዳግ ወኣት መቅጠንነ አልቃም ዲብ እንጎርት እግለ ፍንጌ ደብር እመን ቀጣር ለህለ ሕሊል ሽግለት እግል ንድበኢ እምበል ሕላሌ ዲብ ደፊን አልቃም ወዝያደት ድድ ደባብ ወመካይን ትጸመድነ።

ለወክድ ሰኒ ሰዱድቱ ለዐለ። ምን ደብር ቀጣር አስክ ሕሊል አልጊነ ለህለ ሰልሰለት ዐክክል ግላኒታት ክሉ ምለዐል ወምተሐት ነድድ ዐለ። አባይ አምዋጅ ህጁማት ዲብ ለሀርሰ እብ ትሉሉይ እግለ እስትራተጅያይ ሰዋትር እግል ልጽብዋ ልትገሐል ዲብ ህላ፡ ምሕርበት እብ ክለ ሓለቶም ልትሓረቦ እቱ ለዐለው ወክድቲ።

ለምን ገረግር አስክ ወደግ ሽግለት ለትደንን ገበይ አክለ ኪድኑ ዝክርያቹ ግሪ ዲብ ለአቀብል ለናይ ወሬሕ ሰለ ሰነት 1982 ጅሮሕ ዲብ አነ ለወዐልኮ እቱ ባካት ወግራሁ ለዲብ ወሬሕ ሰለሰ 1984 እግለ ዲብ ቅብለት ሳሕል ሻፍፍ ለዐለ ዴሽ አባይ እግል ንደምር ደባብ ዲብ እመሬሕ ለዐለ አውካድ ትካየለ እግልዬ። አነ ወአፈርቂ እበ ዐለ ቴለል ዲብ እንዳግም ሸውዩ እግለ ጸርነ እንዲ ከሬነ ዲብ ነግርፍ፡ ለቀደም አርበዕ ሰነት ጅሮሕ ዲብ አነ ዲብ እሊ አካን እሊ ለወዐልኮ እቱ አዋይን ደገምኑ እግለ።


አዳሕየት ረኣሰ ዕንክለት ክምሰል ፈገርናቱ ለጀረሐኑ። ለወክድ ድማናይ መጋብዬ ለአድመዐት ርሳሰ ህዩ ምነ አካን ክምሰል ይኣሳድር ወዴተኒ። ድማናይ መጋብዬ ዐጮሞታቱ እንዲ ደቀቀ ዲብ ክትፈት ሌጠ ዲብ ለህጦሞል ድገለባይ መጋብዬመ ሽበህቱ ዲኢኮን ምነ ሐክር ኢሰልመ። ለዲብ እሰዴ ወአለምቤ ለፈገርኩወ ዕንክለት አወላይ ፊድኤት እንዲ ገኣት እዩ እብ ሳውራት ዲብ እጸወር ዲብለ መጀርሒን ለጀመየ እቱ ለዐለው ሕግሰ ደብር ተክል ትክሬኑ። አምዕል እብ ግዲደ ህዩ መጀርሒን ምን ክል አካን ሰር ረኣሱ ለትዘበጠ፡ ሰር አምዳይቱ ለተልተለ፡ ወሰርመ ክኢነ ክምሰልዬ እገሩ ወእደዩ ለተሓከረ ክቡድ ወቀሊል ጅረሕ ለሳፊዮም ምሕርበት ዕልብነ ዲብ ዘይድ ጌሰ።

ማሲ ምድር ክምሰል ገብኡ፡ ለምን አድብር ክሩይ ለዐለ ዴሽነ እግል ለአንሰሐብ ሰበት አመመ እብ ሸፋግ መኪነት ምን ሐሊበት እንዲ መጽኦተነ እግል ክቡድ ጅረሕ ለዐለ እትነ ምነ ውዕላም እቱ ለዐልነ ሕግሰ ደብር ተክል አስክ ሕክምነ ሐሊበት ትብገሰነ። መኪነትነ እብ መልሃዩ ዲብ ትሄርር ወነረ እንዲ አርመሸት እግለ ምን ባካት ደብር ተክል አስክ ተሓት ሽግለት ለህለ ክምሰል ጌሰት፡ እበ ሕሊል እንዲ በይኣት ምትንካብ ናይለ ምን ሕሊል ሽግለት አስክ ገረግር ለትፈግር ሰክት ክምሰል በጽሐነ ሳኪን ምኑ ይሐልፈት። ዲብ ግምቸት አካን ሰበት ትሰረረት መኪነትነ ዲቡ እግል ንውዐል ትቀሰብነ። ምድር ዲብ ጸብሕ ገደሰ ሰበት ዐለ ህዩ ለትገብኢ ሴመ ይዐለት። እብ ሳውራት ምነ መኪነት ዲብ ምድር በደድ ሐቆለ አበለውነ ህዩ ዲብ ዐዝለተ ዕጩይ ሸተውነ። አናመ እበይንዬ ዲብ ሐንቱ ሐቱ ዕጩት ሐቀት አካን እንዲ አጥፈሐው እዩ ዲቡ ክረውኒ። ረኣሰ ሳውራት ዲብ አነ ለሸበህ ጅረሕ ለዐለ እቱ ድገለባይ መጋብዬ እብ ጥንብል ዕሹብ ምንመ ዐለ ለድማናይ መጋብዬ ሳኪን ድቁቅ ሰበት ዐለ እግል ዶሉ እብ አልዋሕ እንዲ ወደው ዓሻባሙ እግልዬ ዐለው። መኪነት እብ ፋሳት አቅሹን እንዲ ባተክው፡ ምን ዕን ጥያራት እግል ትትሐበዕ ገልበበው። ምን ገረግር ወሐሊብ ሐካይም ወአንፋር ገራጅ እንዲ መጽኦው ህዩ አምዕል እብ ግዲደ ዲበ ፍንጌ ለህ ወለህ አካን ራዕነ ወዐለው።

ማሲ ምድር መኪነትነ እንዲ ሰኔት ምነ ሸቱታም እቱ ለወዐልነ ዐዝለት እብ ነጋላት ዲብለ መቅጠነ መኪነትነ ዓረገውነ። ወምን ሽግለት ሕክምነ ሐሊበት አብጸሐውነ። ዲቡ ሳምን ሐቆለ ከልኢነ ምን ሐሊበት ሕክምነ ዐምበርብ ወምኑመ እግል ዝያደት መርዒት አስክለ ዐባይ እስብዳልየት ዐፊርብ ሐለፍነ። አነ ዲብ ዐፊርብ አሰልፍ ትራክሽን እግል ክልኣት ወረኢሕ ወሐቀሁመ ይብስ እግል ክልኣት ወሬሕ እብ ዓመት ሐቆ ሰስ ወሬሕ መርዒት እንዲ ሐዬኮ ዲብለ ዲብ ቅብለት ሳሕል ለዐለት ውሕደቹ አቅበልኑ።



ቃልየት ቃለ ዐውለ



እሊ አሌላት እሊ አሌላት ፈረሕ ወሰሩር፡ አሌላት ዝክረት ለመግዘም እስትዕማር እንዴ ትወርከ ምንእነ እብ ሕርየት ለአባሬነ እቲ አያም ታመት በርሀት ሕርየት ወእስትቅላል ተ። ሕርየትነ ወእስትቅላልነ እብ አማን ቃልያት እትና ተን፡ እግልሚ እግል ትተምኑ ለኢልትቀደር ዐውል ቃለ ደፍዐነ ዲበን። እንዴ ክልነ አዳውሕየት ምዕል ከሚሽ 12 ማዮ 1988 ግረ እቅብል እንዴ እንቤ ንፍቀድ፡ ቀሎት ዐውል ሕርየት እግል ነአትዋይን፡ ሽዕብ ለትዘመተት እተ ምዕል ንፍቀድ።

እት ማርስ 1988 ዲሸነ ሽዕቤ፡ እት መርሐለት ስትራቴጅያይ ህጁም እንዴ ተዐደ እግል ጀብህት ነቅፈ እንዴ አፍረሰየ ለሴዕ ሰነት ህቲ ወአባይ አድሕድ ለአጅገረው እቲ ድፋዓት፡ እት ቀበት ሰለሰ አምዕል - ምን ሰንበት ንኢሽ 19 አስክ አትኒን 21 ማርሴ፡ ለእተ ጀብህት ዐለ “ናደው እዝ” ለልትበህል ሕ’ረይ ዲሸ ደርግ ደክን-ደክ እንዴ ወደዩ መዲነት አፍዐበት ሐረረ። እሊ ተእሪካይ ዐውቲ እግል ንዝም ደርግ እት ዓይነት ካረዩ፡ ለወክድ ለህይ አሚን ዓም ጀብህት ሽዕብየት ተሕሪር ኤረትርየ ወናይ ዮም ርኢሰ ዱለት ኤረትርየ ሙናድል ኢሰያስ አፈርቂ፡ “መስተዕምረት አቶብየ እት ተእሪኮም እግል ሰልፍ ት ሀለዮቶም እት ኤረትርየ እግል ተአተላሌቲ መ ተአክትም እት ሸክ ለገብአው እቲ ዐውቲ ክምቲ ሃድግ ዐለ።

ሐቀለ ሕረይ ዲሹ ትደውሸሽ እብ ሸፋግ እት ዮም 31 ማርስ 1988 እጅትመዕ መጅልስ (ሸንጎ) እንዴ ወደ ዕላን ውቀት ብጽዐ ዐለነ፡ ክሉ እት ጀብህት ሐርብ እግል ልክተት አዋምር ሀቤ፡ እብ አሳሰለ አዋጅ ለንዛም ምን ቀበት አቶብየ ወምን ብዙሕ አካናት ኤረትርየ ዲሸ እንዴ አከበ እት ጀብህት ከረን ሐርብ ሞት ወሐዮት ተሓረቤ፡ ደአም ደም ትጃለጠ ድኢትን

አፍዐበት ኢበልሰ ወአስክ ሀደፋ ስሕትብ ኢቤለ። አመ ዲሸ ሸዐቢ ሳሕል፡ ሰሚናዊ ባሕሪ ወሰምሀር ለለአትራክብ ጋድሞታት ርሒብ ጸብጠ።

እተ ሐርብ ጋድሞታት ለትደዐከ ዲሸ ደርግ ክምለ እየዱ ሀሩሩ እት ሸዐብ በዐል ደሐን አብረደዩ። አረይ ናይለ ዕላን ውቀት ብጽዐ ለገብአ ሀይ ለዲብ ጋድሞታት ምፍጋር ጸሓይ ኤረትርየ ለነብር ሸዐብ ቲ። እት ወሬሕ አፕሪል ናይለ ሰነት ሰልፍ እት ሰካን ዐድ-ሹመ፡ ሸበሕ፡ መትከል አቤት ዐሳክር አባይ እት አብያት ሸዐብ እት ልትአተው፡ ቅድረት ሀረብ እንዴ ኢረክበ እት ቤት ለጸንሐዮም አንሴ፡ አጀኒት ወደገልል እንዴ ተርቲሩ እት ሐቲ አካን ጀምዐዉ ከረሸዉ። አራዊሕ እብ ዐሰርታት ለልትዐለየ አብርያእ ነሰአው።

ዮም 12 ማዮ 1988 ሀይ እግል ገቢል ሽዕብ እብ ረሻሻት ወደባባት አርበደዉ። እት ሐቲ ጸብሐት እት ሐቲ ሰርቦት ለትበህል አካን ሌጠ 400 መዋዋን ወድቀው። መብዝሐም አንሴ፡ አጀኒት ወደገልል ቶም። ምን እሎም ለ80 እብ ደባባት ለተሃጨቀው ቶም። እብል አምዕል ፈነ ገሌ ዓይላት እብ ተማመን እምበል ታርፌ በደየ ወገሌ፡ ምን ሰለሰ አስክ ሐምስ ትቀተለው ምንን። አምኣት አብያት ሰክን፡ ደካኪን ውበዕድ አብያት ተጃረት፡ እሳት በልዐቲ። ሰኒን ለትተወበ አርዛቅ፡ ጽዋር፡ ደሀብ ውበዕድ ሰርጎ ቃለ ትዘመተ።

ሐየት እት ልርእም እብ አሰር ለሐዝዎ ክምለ ልትበህል፡ ዲሸ ደርግ ለመትሻፋዩ እተየ ክም ሀለ ሰኒ አምር እት እንቲ፡ እት አንሰ ወአጀኒት ሐዋረ።

እት ጋድሞታት ደም ለተሐናገረ አባይ ሸዐብ ክም ኢለአድሕን ሙናድሊን በዲሮም

አምራም ሰበት ዐለው ለሸዐብ ምን ጋድሞታት እንዴ ትነወከ አድብር እግል ልትሸፈል ተውጂህ ሃይባም ዐለው። እለ ለአዳም ፈነ እተ ሰርቦት ምን በዲር መሕብጂቲ ሰበት ዐለት ሀይ፡ ለሒለት ፈጊር አድብር ለአለቡ ዲበ ሕቡዕ ዐለ። ደአም ሚ እግል ልግበእ፡ ለአካን አባይ ምን ከብደ ትወለደ እቲ፡ ክሉ መሓቤዕ ወሳዋር ሸዐብ ለለአምሮ ጤልመት ውላድ ዐድ፡ “ወዶ ገበ” አባይ እት ልመሩሕ እንዴ መጽአው፡ ሸዐብ እግል ረቢሁ ማሲ ረመዳን ምድር እብ እሱር አፋሁ ድራር ባሮት ወሰለሰል ደባብ ክም ገቡእ ወደው።

ገናይዝ እሎም አብርያእ እት ራቤዕ ምዕል ምንለ አድብር ለትክረ ሸዐብ እንዴ መጽአዩ እት ደምበሌላት ትቀበረ። እግል ልትረፈዕ ለኢቀድረ እተ አካት ትደፈኒ። ምን ፈነ ለነጀው፡ ምድሮም እንዴ ጠለቀው፡ ገሌሆም አድብር ሰክነ ወገሌመ ሳሕል ደ’ነ። ክሉ እት ዐድ ወካርጅ ለዐለ ሸዐብ ኤረትርየ እብል ውዲት ጀአረት ደም ነብዐ፡ እግል ሹሀደ ሸዐብ እተ

እለ ሀለ እብ ክርን ገቢል ኤረትርየ ዲብ ልትመረሕ እት ሐቲ ደቂቀት ክሉ ምስል እንዴ በዋረ ዝክረት ሹሀደ ወደ እሉ።

ዜነብ ሚቲ ዘንበ?

ሐቲ ምን ምን ኩብድ ማይታም እንዴ ቀንጸው እብ አርወሐቶም ለፈግረው አምነ መሐመድ ሸምብላይ ትበህል። አምነ፡ ውላደ ወቅሩብ ላቶም ሰለ ጅኑ ክልኣት ምናም ጅሩሓም፡ ህተ ወእት ኩብድ ለዐለት ወለተ እንዴ ወሰክከ ሳምን ረአሰ ፈግረት። ምነ ቀበት ገናይዝ እንዴ ሀርቦት ሙናድሊን ክም ረክቦት ለክልኣት እንዴ ኢተአረይም ምን ዒን ሰብአም ነስአም ነስአዮም። ለጅሩሓም ሕክምነ ዐፈርብ ጌሰው ወህተ ምስል ክልኣት ጅናህ እት አፍዐበት እግል ትሕደር ቤት እግል ትግበእ እለ ትጀረቤ። ምናተ አፍዐበትመ እብ ዋያራት ሰበት ትረጀመት አዜመ ምግዓዝ ገንሐተ። ምስ’ለ ብዕዳም ሽዕቲራም እንዴ ትከምከመት፡ ሰልፍ አሰክ ሕዳይ፡ ሐቀህ እምባልቆ ወት ደንጎበ ምን ሰሚናዊ በሕሪ፡ ካርኔሽም፡ ሮራ መንሰዕ፡ ሸዐብ ውበዕድ አማክን ምስለ መጽአ ድቡል ሸዐብ፡ ወግሬት አቲት። እቲ ወሬሕ እንዴ ኢትአደውር፡ መሐጽ ሀረሰት። ሐቆ መሐጽ ትሩድ ሀይ፡ ወለት ወልደት። ሐካይመ ወለት ክም ወልደት ዶል አሰአለያህ፡ “ዜነብ ተ! ዜነብ እምዩ! ዜነብ እምዩ!” (እምዩ ዜነብ- ዐለት ሰሚተ፡ ዜነብ እግል እስመያ ቲ እለ ወለቺ” ትቤ። እት ውላደ ደፍአት፡ ዜነብ አድም ሙሰ መኣዝማይት ገብኣት እለ። ላመ ዐፈርብ ጋይሳም ዐለው ጅሩሓም እንዴ ሐየው አቅበለው። አምነ፡ እግለ ሰሚት እመ ለሀበተ ወለቲተ፡ ሰለሰ ወሬሕ እብ ተማሞም እት ትስዕመ እብ ፈርሐት ተአትሳርረ እንዴ ዐለት፡ ዕምር ኢረክበት ሸፍዐት ምነ። ለገሀይ ቀዳም እንዴ ኢፈግረ ዜነብመ ገሀይ ወሰከተ። ሐቀህ እት ወግሬት እግል ትጽነሕ ኢሐዜት፡

ሰፈላል ተረደት ዲብዩ፡ ለሞተው በዲር ረኡክም፡ ለታርፋም እግል እግል እርኤ ትቤ ከዐደ አቅበለት። ሐቆ ሕርየት፡ ክሉ እት ድቡል ለዐለ ወእት አድብር ወአወድግ ሹፋል ለዐለ ሸዐብ አትቃበለ።

“ዜነብ ሚቲ ዘንበ?” ምን እንብል እመ ወአቡህ ወዐደ ሕርየቶም ምን ሐዘው ሌጠ እት ርሕም ኢስክበት አክራን ደባብ ወዋያር ሰካብ ከልአዩ። ምዕለ እንዴ ዐሰበት ወልወል ለዐል ረኤት፡ ምናተ ምነ ሓድር ዐደ እንዴ ፊመት እት መዐስከር ሽዕቲራም መጽአት። ጨምቤት ወቀረት። ለተርፍነ ለአተላሌ ወለልድነ እግል ልትብተክ አባይ ለኢባሰረየ ሚ ሀሌት፡ ዜነብ ዲ ትሰሚትመ ከእት ዕልብ አቲት። ለምዕል ለሀ እት ኩብድለ 400 ነፈር ከም ዐምሳት፡ ወከም ሕነት ዐለየ ገብእ፡ ዕልቦም ለኢልትደሌ ለኢልትሀደግ እቦም ሹሀዳመ ክም ብነ ተአትፋቅደነ ዜነብ።

መርባቶም ኢተርህት

ለእግል ሸዐብ ሸዐብ እብ ደባባት ወረሳሰ ምስል ንዋዩ እንዴ ሓበረው ለለመጨዉ፡ ወክይራቲ እንዴ ዘምተው ለገርበው ብርድት ኢካየደው። ትጠሐነው ሌጠ። ለእሉ ዘምተውአግል፡ ብዳዐት ደካኪን፡ እክል፡ ለብብሴ፡ ሰርጎ ወአሳር እት መካይናም እንዴ ጸዕነው ምነ አካን ትወርከው። እት ራብዕ ምዕል የኣይ አፍዐበት እግል ልብለሶ ትፈረረው። ለዲሹ ደባባቲ፡ መካይት ወጦጣት ማዩ ሐነን ዲብ ለአብል ምን ዕንክለት ግዴነብ አሰክ እንክር ቅብለት ቀንጸ። እብ ዐራብ ከረው፡ አባረረ፡ ጋድም-ሐሊብ ወኣዝሀረ እንዴ ኬድ፡ አፍዐበት እግል ልእቲ ዲብ ለሐናድ፡ ዲሸ ሸዐቢ እት መዕሚዴ ናፍራይ እንዴ ኢለአፈግር ምኑ ዲበ ለሐሰዩ። ቃኢዱ ለዐለ ብርጋደር ጀነራል ተመሰገን ገመቹ’መ እተ መዐረከት ለሀ ትቀተለ። ሙናድሊን መርባት ሸዐብ ምን አሰክበው ኩብዶም በርደት፡ ለመርባት እተ ዶለ ሰክበት።



ቀዳማይ ክፋል

ፍሬ-ሕርየት ዲብላ ረዩም ባካት



አስይድ አሕመድ መሐመድኑር ረጀብ

ሰፈርን ምን ሮረ አስክ ቅርራቱ ለዐለ። የም 3 ማዮ 2025 ጽብሕ ምድር ሳዓት 6:30 ምን ምግባይት አካን ውዛረት እዕላም (ፎርቶ) አስክለ ሐድ 378 ኪሎሜተር ለሪሙ ምስል ደውለት ሱዳን ለልትሓድድ 'ድጌ ቅርረ' ወዲቡ አስክ እንበጽሕ ለህሌት ረዩም ድዋራት ሳሕል ዲብ ሰዋታት ሕርየት ለትረክ ፍሬ ሕርየት ዲብ እንታይን ወለዘቱ ዲብ ነኡወርቱ እግለ ረዩም ሰፈር ለአምበትናህ። ለሐምስ አንፋር ውዛረት እዕላም እበ ጸዕደ ትዮተ አስክ ምድር ምሕርበት ሳሕል ንትወከል እት ህሌ። ገበይ ጸዕደ እግል ትግበእ እግልን ዲብ ንተምኔቱ ሰፈርን ምን ብሩድ ሸማሉ ሮረ አስክ ሕፋን ድዋራት ድጌ ቅርረ አሌፍ እንዴ እምቤ ለአሰብዳናህ።

ምን አስመረ እንዴ ትበገስክ እግለ እብ ድበዕ ቀላሚጦስ ለትገልበበ ዲብ ምዴርየት ሰረጀቀ ለህለ ባካት ወደግ ቶከር ክምስል በጽሐክ ዲብ መደት ግድለ ሰለሕ እተ ባካት ገብእ ለዐለ ከቢናት ምናድለ ቅዋት ሸዕብየት ተሕሪር ኤረትርየ ልትካየል

እግልከ። ምኑ እንዴ ሐለፍካመ እግለ ምን ዐዲተከሌዛን ለተአነብት ልወሊት ምክራይ ዲብ 55 ኪሎሜተር ለህሌት ሀብረንጋቀ ዲብ ሰነት 1970 እብ ጀብህት ተሕሪር ኤረትርየ ለትቀተለ ቃእድ ናይለ ዲብ ኤረትርየ ለዐለ ጄሽ እስትዕማር አቶብየ ለዐለ ጀነራል ተሾሚ እርገቱ ወግራሁ ለተለ ጀራይም አባይ እት ረአስ ሸዕብ ሰነሐት ትትፋቀድ።

ሀብረንጋቀ፡ በልወ፡ ዔለበርዕድ፡ሐሊብ መንተል ዲብ እምብል 91 ኪሎሜተር ክምስል በጽሐክ ከረን አቴክ። ዲብ ከረን ሐቆ ዕርፍ ሐሚር ለረዩም ሰፈርን ምን ሐዲስ ሸንክት ቅብለት አስክለ ምድር ምሕርበት ላቱ ሳሕል አተላሌ። ምን ደዋዩሕ ከረን ዎሮ ላቱ ድጌ ያነ ለሐቆ ቀትል ተሾመ እርገቱ አረይ ለገብአ ዐድ ምንማቱ። የም እብ ፈልድ ሕርየት ዲብ ድብነት ያነ እብ መረበዓት ለገረመት ያነ ሐዲስ ድገለብ እንዴ ሐደግክ። ለእብ ጋምል ዕጩይ ወግሬ ለትገልበበት መቅበረት ምሕርበት ያነ ድማን እንዴ አትሌነ አዜመ እግለ ጋምል ማንጉስ አርቶለ ጸባብ እንዴ ሐለፍነ አስክ ጋድም ሱዋር ክምስል በጽሐክ። ለሐቆ ሕርየት ለተአሰሰ ሐቱ ምን ፍሬ ሕርየት ላተ ኩልየት ሐርስ ሐመልማሎ ድማን እንዴ አትሌነ ሐቆ ሕርየት ምነትፈናተ ድዋራት ለትከምከመ ሸዕብ ነብር እተ ለህለ መዲነት ሐመልማሎ እት ክልኤ እንዴ ከፈልነ ሕሊል ዐንሰበ እንዴ ተዐዲነ ሰጋደት መስሐሊት እንዴ ይእንፈግር። አሰልፍ ለዲብ ባካት ገንፈሎም ትጠወር ለህሌት ወፍሬ ሕርየት ላቱ ድጌ ቁሽ ኪድክ።

ባካት ገንፈሎም፡ ክምስል እት ታሪክ ልትደገም፡ ድዋራት ገንፈሎም ምን ሰር 70ታት ወሐር እብ ፍንቱይ ህዬ ዲብ መደት ከርዶን ነቅፈ 1976፡ ክምስልሁመ ዲብ መደት እንሰሓብ እስትራተጂ 1979 ዲብ እሊ ባካት እሊ ለገብአ ወራራት ደርግ ወመጋብህት ወስሙድ ምናድል ጀብህት ሸዕብየት ለገብአ እቱ ታሪካይ ባካት ቱ። ዲብላ መደት ለህ ሰካንለ ባካት እብ ሰብብለ ገብእ ለዐለ ሐርብ ድቁብ ወለክፍ ዋያራት ሐርብ አቶብየ ዲብ ክል አካን እንዴ ትፈንጠረ አርወሐቱ እግል ለአድሕን እግል ደሐኑ ልጃገም እቱ ለዐለ ወክድቱ። የመቱ እሊ ናይ ሐርብ ወመእከይ ዘበን እንዴ አክተመ፡ እብ ፈድል ሕርየት የም ዲብ ዝክረት 34 ሰነት ሕርየትነ ሸዕብለ ባካት እንዴ ትከምከመ ዲብ አዋራፍ ሕሊል ዐንሰበ ጀራዲን ዲብ ለዐምር፡ ዲብ ሸብህ መዳይን



ሳሕል ለገብአ እተ ትምሳል ፍርስነት እግል ንሕለፋ ይሐዘክ። ለእብ ማርሞ ለትወቀረ ትምሳል ሐድ ምነ ብዙሕ ናይለ ታሪካይት ዐመልየት ደውሸሾት ናይለ ዲብ ጀብህት ነቅፈ ወመዲነት አፍዐበት እግል መደት ዐስር ሰነት ሻፍፍ ለዐለ እብ ናደው እዝ ለልትአመር ጄሽ እትዕማር ለደውሸሽ እቱ ወክድ ተአትፋቀድ። ለዲብ ናይ ሐርብ አምዳላት ዲብ ከርስ ከዋ

እንዴ ትከፊን እግለ እብ ሸዕብ ግዝግዝ ልትሐረስ ለህለ ግረህ ዲብ ነኡቀምት እበ ሸቅል ዕጹም ሸዕብ ግዝግዝ ዲብ ንትዕጅብ ህዬ ዲብላ ሐቆ ሕርየት ለተአሰሰት ዲብ ሸብህ መዲነት ትጠወር ለህሌት ግዝግዝ ክምስል አቴነ እብ አማን ለፍሬ ሕርየት ዝያደት ባይን ዲብ እንቱ ትረኤክ።
እዳረት ደዋዩሕ ግዝግዝ ምስል መትአሳስ ምዴርየት ሐመልማሎ ዲብ ሰነት 2000 ምን አቅሊም



ልጠወር ለህለ ደገጊት እሱስ ህለ። እሊቱ ህዬ ፍሬ ሕርየት።
ምን ገንፈሎም እንዴ ሐለፍነ እበ አስክ ርሽመት መስሐሊት ለትፈግር ገበይ ሐርመት መስሐሊት በጽሐክ። እለ አካን እለ ክታመት እስትዕማር ዲብ

አባይ እንዴ አቴት ታምም ክፈል ጄሽ ጀብህት ሸዕብየት በህለት ክፈል ጄሽ 52 ጀላብ ሕርየት እንትሓር እግል ሊዴ ለሻረክ እቱ እብ ዐውቱ ለአትመመየ ፍርስነት ለትሸህድ ተ። እተ ወክድ ለህይ ምናድል ለደፍዐየ ዐውል ቃሊ እግል ሕርየት፡ ዲብ ረአሰለ ዌራይ ጄሽ አቶብየ ለጀረ ወክሳር ዐባይ ለረፍዐ ለተሐብር እብ ሰለስ ሀገጊት ለትክተብ ወእግል ጂል ምስተቅብለ ታሪክ ለልሓኬ ትምሳልቱ። እሊመ ዎሮ ምነ ንዳል እግል ሕርየት ለትአስእል ወሲቀት ቱ። ሐርመት መስሐሊት እበ ናይ በዲር መካፍል አቃሊም ኤረትርየ ሳሕል ወሰንሐት ለትፈንቱ ዐለት። ምን እለ ሐርመት እለ ወሐር አስክ በሐር ለተሌ ምድር፡ ምድር ሳሕል ቱ። በገ ምን እለ ወሐር ለህለ ሰፈርን እት ምድር ሳሕል እግል ልግበእ ቱ።
ግዝግዙ፡ ምን ሐርመት መስሐሊት

ቅብለት በሐር ቀየሕ ዲብ አቅሊም ዐንሰበ ለአቴት ምን መዲነት ከረን 32 ኪሎሜተር ራይመት ላተ ሐድ 10 አልፍ ወ900 ሸዕብ በነብር እተ፡ ዕያደት፡ ወምን አወላይ አስክ ምግባይት ደረጀት ለትአደርስ መድረስት ለብእተ፡ ክምስልሁመ ምን 15 ኪሎሜተር ምን ሕሊል ዐንሰበ ከዋ ማይ ለትመደደ እለ ወሰነነ ማይ ነዲፍ እግል ልስተው ለቀድረው ዐድ ተ። ቀደም ሕርየት እብ ፍንቱይ ዲብ ሰብዓታት ወሰማንያታት ሸዕብለ ባካት ዴደማን እንዴ አፍገረ እግለ ምን አፍዐበት አው ከረን ለልትበገስ ኮለንየ አባይ ዲብ ሰመየ እቱ ወክድ ዲብ አወድግ እንዴ ተሐበው ዲብ ለሓሉፋ እብ ብግሮም እት ተክሮ ነብሮ እቱ ለዐለው አውካድ ሰዱድ ክምስል ሓለፈው፡ እት የም እንዴ ገብእው ለሓኩ። የም ሳኪን እብ ፈድል ሕርየት ግዝግዝ ዲብ ዐቦት ወተጠውር ትትዋሌ ህሌት።
ዲብ 78 8 ልተላሌ



ቃልየት ቃሊ....

ምን ገጽ 6 ለተላላ

ጀራይም ለአጀል እስትዕማር አሸፈገ

ምዕል ሰብ ሽዕብ ለአምጸጸቶ ሸባብ ኤረትርዮ፡ ጀኦረት እስትዕማር ሰልፈ ክም ኢኮን ወእበ ክም ኢተክከትም ሰበት ለአምር፡ ዕምሩ እግል ልሓጭር እብ ብዝሐ ኣስክ ሚዳን ተንክረ። እብ አማንመ ለጀራይም ክምለ እብ ሽዕብ የኣንበተየ እበ የኣክተመ። ባጼዕ ክም ተሐረረት ወክም ቀብጸዮ፡ ደርግ ምን 4 ኣፕሪል ኣስክ 12 ጁን 1990፡ ሰቡዕ መረት እብ እማሚብ እት ሽዕብ እብ ጥያራት ረጅም ድቁብ ወደ፡ እበ ኣስክ ቀናብል ምኡዕ ለዐለ እቱ ረጅም ጥያራት 124 መዋዋን ኣስተሸሀደው፡



ሽዕብ 12.5.88

ወ332 እብ ጀረሕ መስከነው። ኣብያት እብ ዳሩ ወማሉ እሳት በልዑ። እተ ሰነት ነፍሱ ኣባይ ለህጁም ስትራቴጂይ ክም ኢልትከረዕ ዶል ኣግረሰ እት ኣስመረ ካስ ዐለም እግል ልርኣው ጅሙዓም ለዐለው ሸባብ ለውቀቶም እት ሐዘን እግል ልበድል፡ እት ሐቲ ላሊ 40 ሻብ ምስል ረሸዮም። ጀራይሙ ምንመ ገርገረ፡ ለህጁም ላቲ ኢበርደ ወኢትደንገቡ፡ ሐቆ ኣፍዐበት ባጼዕ ወሐቆሁመ ክለ ኤረትርዮ ምን ነክክ እስትዕማር ትፈርቀቀት። ወጠን እብ እስትሸሃድለ ቃልያም ግብኣ ወእኪተ እት ረሀየት ዳገመተ።

እኪት በዐለ ለእኪበ እት ኣቶብዩ፡ እተ ቀዳሚት ለልትጠዐስ ከሸልሕት ክልብ ልንሰኣ እንዴ ቤለ እት ኬር ለለኣቀብል ኣንዝመት ኣስክ እለ ውሉድ ኢህለ። እሊ ኣዳም ኢኮን ኣዱግ ወክላብመ ለሃጨቀ ወዳለ ማይ ሲቶ እብ ሐዋን ለደፍነ ዳሸ ክም ርሒም ወሐበት ኢዋዲ ዲብ ልትሃገው ለሰምዐ እዘኩ ቆጭብ። ቃኢድ ብርጌድ ደባብ ለነብረ ብሪጋዲር ካሳዬ ጨመደ እት ክታቡ “ሽዕብ ዶል ጸበዋን ጠልገትመ ኢትሰክፈት፡ ኣነ ኖሼ ምስል ናይ ቀደም ዴደባን ዐልኮ ከሰኒ ዳሊ ኣነ። ለሸዑብ ሐርብ እንዴ ኢቀንጽ በዲሩ ለለኣትሐዝዩ እንዴ ጀምዐ ምን ኣካን ምን ልትነወክ ወሬሕ ሐሉፍ ዐለ። ለዐጂበት ላኪን ሐቲ እሲት ሕጅብት ወደወርህ ጸንሑኒ። በነቲተ ልትበለዕ ወልትሰቲ ለኣለበ ከኣፎ እብ ኣርወሐተ ጸንሐት ከንዶእ። ለመደት ለዲበ ከልኣናህ ሰኒ ረዔናህ ወዶል ትበገሰነ ሲፈ ካሬ ሐደግኻ እለ” እት ልብል ከትብ።

ሸዑብ ኤረትርዮ ላቲ ለእት መቅጠኑ ጃርየት እሊ ሐሰይ ሸዩም ኣቶብዩ እግል ለኣብድየ ኢቀድር። ደኣም ሀዩ እት ኣከር እት ለኣንገርግር እግል



ልንበር ምራድ ኣለበ። “እኪት በዐለ ልእኪበ” እንዴ ቤለ ላመ ሰልሐም እንዴ ተርክሸው ለሀርቦ ለዐለው ዕድዋኑ ኢትጸረረዮም። ምን ሰፍረ ኣብለዐዮም ወምን ጽሚእ ኣስተዮም፡ ምን ብርድ ኣልበሰዮም ወእብ ደሐኖም ኣስክ ዐዶም ሊጊሶ ሐድገዮም። ፈድል እሊ ሰኒ ውዳዩ፡ እሊቱ ለተሐበከት ከይነት ምን ተሐበከት እሉ እግል ልፍገረ ወእግል ልዳግመ ቃድር ሀለ። ዐዱ እብ ሕርየት ወእስትቅላል እግል ትንበር፡ ዐምሳት እግል ቲለድ ወሐረሰ እግል ተዓትብ፡ ንኡሽ እግል ልዕቤ ወዐቢ እግል ልድዌ ሀዩ ኣዜመ ተብዐት ወኣንሱ፡ ንኡሽ ወዐቢ ክሉ ከድመ ሀለ ወዲመ እግል ልክደመ ናዊ ቲ።

ፍሬ-ሕርየት ዲብለ ረዩም....

ምን ገጽ 7 ለተላላ

ቅላመት፦

ሐቆ ግዝግዝ ለህሌት ዐድ ቅላመት ቲ። ቅላመት ምን ግዝግዝ 13 ኪሎሜተር ራይመት ለህሌት እት ገብእ፡ ሰፈርን ክምሰል ኣተላሌ፤ ለእብ ሸሪከት ብነእ ዐዲህሎ እብ ሕሩይ ጨበል እንዴ ትደግደገት ወፊዶሐት፡ ዮም መካይን ዲብ ልትፈተተ ምን ወኣስክ ዲብ ልትሐላለፈ ዶል ትርእየን ዝያደት ገግክ ሰክብ። ቅላመት ምን ሐቆ ሕርየት ለሐድረየ እት ገበይ ከረን-ኣፍዐበት ለህሌት ዐድ ቲ። እለ ዐድ እለ እብ ዶልዶሉ ዲብ ተዐቢ ወዲብ ትጠወር፡ ወሸዑብመ ምን ክል ወደግ ወሳሰት ዲብ ልትከምከም ዲብ መዲነት ዐባይ ትጠወር ለህሌት ሐቲ ምን ፍሬ ሕርየት ቲ።

መካሪት ቅላመት ኣድብር ለበዝሐ እቱ ምንማቲ፡ ለዲብ ዓዘቅ ለትበነ ኣትኩል ወመረበዓት ምስለ ዲብ ክልኤ እንዴ ሸገዩ



ፍሬ ሕርየት ወረሀየት ሚ ክምቲ ወዴሕ እልከ።

ፈልከት፦

ሐቆ ቅላመት ለህሌት ዐድ ፈልከት ቲ። ኣዜመ ምን ቅላመት ለኣስክ ጠረፍ ኤረትርዮ ለህለ ምድር ሳሕል ለኣመመ ለኢተመ ሰፈርን ኣስክ ፈልከት ዐለ። ለምን ከረን ኣስክ ኣፍዐበት ለህሌት እብ ሸሪከት ብነ ዐዲ-ሀሎ ዕልብ ሐቲ ሰበት ሰኔት ወጠፍሐት።



ከዋን ፈልከት

ለለሐልፍ ሕሊል ጥሉል ዲብ ኣግዳሙ ልትዐመር ለህለ ጀራዲን፡ ለዐድ ዝያደት ዲብ ዐቦት ገጽ ተኣሳድር ክም ህሌት ቅወይ ኢኮን። ምን መኣንብታይት ኣስክ ካልኣይት ደረጃት ለተኣደርስ ዲብ ኣርበዓታት ኣብ ወጠንየት ወሐዝያይ ሕርየት ለዐለ ሼክ ኢብራሂም ሰልጣን ለትሰሚት መድረሰት ወዕያደት ብኩይ እተ ሀለ። ለክደን ኣብሰ ለዐለ ባካት ቅላመት ዮም ክምሰል እለ ዕምር መዲነት እግል ልብኔ እብ ኣማን

መኪነትን ክምሰል ምራድ ዲብለ ምስል ገበይ ቅጥራን ለተኣትጌጌ ገበይ ዲብ ትትሀርብ እብኩ፤ እንዴ ኢልትኣመረን እተ ዲብ ጋድም ለተኣሰሰት ፈልከት ጠበሽ እምቤ። ፈልከት ምን ቅላመት እት መሳፈት 9 ኪሎሜተር ራይመት ለህሌት ዐድ ቲ። ሐቆ ሕርየት ምን ቁመ ዐዶታት ምዴርየት ኣፍዐበት ቲ። ምስለ ህለ እለ መካሪት ጋድም ሀዩ ዲብ ምስተቅበለ ምስል ኣፍዐበት እግል ትትጃገር ለትቀድር ዲብ ሸብህ

መዲነት ትጠወር ለህሌት ፍሬ ሕርየት ቲ። ዮም ዲብ ፈልከት እብ ሕኩመት ለትፈናተ ከደማት እጅትማዕየት ለለሀይብ መኣሰሳት እብ ፍንቱይ ህዩ ዕያደት፡ መድረሰት ወክደማት ማይ እንዴ ትዳለ እግል ሸዑብ ክድመት ለሀይብ ህለ። እብ ተውሳክ እት ፈልከት ከደማት እትሳላት በህለት ሞባይልመ ክድመት ለሀይብ ህለ።

ኣፍዐበት፦

ለናይ ዮም 3 ማዮ ሰፈርን ዲብ መዲነት ኣፍዐበት እግል ነኣትምም እብ ሀዳይድ ወዘላይም መልሐተይ ዲብ ንተሌ ምን ፈልከት ሰፈርን ኣስክለ 12 ኪሎሜተር ራይመት ለህሌት ኣፍዐበት ኣተላሌ፤ እግል ምክራይ ሐጫር ክምሰል ኣትመምን ህዩ ምስለ እብ ሕሩይ ጨበል ደግድግት ለህሌት ገበይ ወበራር ጋድም እንዴ ኢልትኣመረን ኣፍዐበት ኣቲኩ። ምስል ሙዲር ምዴርየት ኣፍዐበት ኣሰይድ ኣሕመድ መሐመድኑር ረጀብ እብ ሰበት ዲብለ ምዴርየት እብ ዓመት ለህለ ወራታት ዐማር ወዐቦት ተውዴሕ እግል ለሀበን ዲብ መክተቡ ሸክፍኩ። ምን ፋይሐት መቃበለት ኣሰይድ ረጀብ ህዩ፡ “ምዴርየት ኣፍዐበት እብ 14 ዳሕያት ለትከወነት ምዴርየት እት ገብእ፡ እብ ፍይሐ ምድረ ወብዝሐ ስካ ህዩ ዲብ ኣቅለም ቅብለት በሐር ቀየሕ እት ኣውለውየት ትትረተብ። ዮም እብ ፈድል ሕርየት ምዴርየት ኣፍዐበት ምን ሐቲ መዲነት እንዴ ሐልፈት ዲብ መዳይን ብዞሕ ውቅልት ክምሰል ህሌት ኣሰይድ ረጀብ ሸርሐ። እንዴ ኣትለ ኣሰይድ ረጀብ፡ “ዮም ዲብ ከጥ ኣፍዐበት ከረን፡ ኣፍዐበት ቅሮረ ወኣፍዐበት ሽዕብ ለህለ ደገጊት ምን ወቅት ዲብ ወቅት ሕኩመ እበ ትትቀደረ ከደማት እጅትማዕየት እዱሊት እቱ ህሌት። እብሊ ህዩ፡ ምዴርየት ኣፍዐበት ዲብ ዐቦት ወተጠውር ተኣሳድር ክምሰል ህሌት ወደሐ እግል።

ፈጅራተ ዮም 4 ማዮ ለምን ሮረ ኣስክ ቅሮረ ለኣምበትናሁ ሰፈርን እግል ለኣተላሌ ቲ። ኣይወ ምን ኣፍዐበት ኣስክ ቅሮረ ኣስክለ ምድር ንዳል ወፍርስት ሳሕል ምድር ምሕርበት...

ኢ-ፍጻሌ ጅብ ሕዝብ ኢትዮጵያ

ኢብ-ዐሊ ለልትባህል ክምሰል ሐመድ አምሰ አዳም ለልሀድግ እቡ እናሰ ነብረ። መደት ሐቲ፣ ምሮት ሙሰ ለልትባህል መልሀዩ ሰበት ዐዘመዩ ምሰሉ እግል ልትደረር ሰተተ። አሰክ ሙሰ እንዴ ገይሰ እት ገበይ ሓምድ ለልትባህል መልሀዩ ትቃበለዩ። አድሕድ ሐቆ ትሳለመው፣ ኢብ-ዐሊ እግል ሓምድ ጅኩቱ እግል ለሀቡ ረምቀዩ። ሓምድ ህዩ ሀበዩተ። ኢብ-ዐሊ ጅኩት ሓምድ እንዴ ለብሰ አሰክ ሙሰ ትወክለ። ለጅኩት አጅባብ ብዙሕ ሰበት ዐሊ ዲበ ኢብ-ዐሊ ሰኒ ትረይሐ። እደዩ ዲበ አጅባብ እንዴ ካርዩ ወዲብ ገናድል ቤት ሙሰ መልሀዩ ጌሰ።

ሙሰ መልሀዩ እንዴ መጽእ ክምሰል ረአዩ፣ ፋሬሕ እት እንቲ፣ “ቀደም በል ኢብ-ዐሊ፣ አባይክ ኢልጽኻሐክ እምበለ ፈቲክ፣ ትፈደል እትሊ ዲዋን እቲ፣” እት ልብል ተሐደረዩ። ምሰል ሐቆ ተሃጅከው ወጀበኩም ክምሰል ሰተው፣ እሲት ሙሰ ነብረ እንዴ አዳሌት መጽአቶም። ኢብ-ዐሊ እግል ሰኒ ክሸንት ለዐለት ነብረ እንዴ ገኔሕ

ወፋሬሕ እት እንቲ፣ እሰልፍ ምን ሰገ እንዴ ሀረሰ ገረድድ ወደዩ። ሙሰ ሸንሀት ኢብ-ዐሊ ክምሰል ረአ፣ ምን ሐዲሰ ሰገ ወሰከዩ። ኢብ-ዐሊ ምን ዓጭሞታት እንዴ ነስአ ዲበ ጂቡ ከረዩ። ሙሰ እንዴ ልትፈከር፣ “ሚ ትወዴ ህሌክ መልሀይ?” እት ልብል ትሰአለ።

ኢብ-ዐሊ ምን እት እዳህ ለዐለ ሰገ ነተትል እት ወዴ፣ “እለ ጅኩቼ ሰፍራት ህሌት ከነብረ ሀይበ ህሌት” እት ልብል በልሰ። ሙሰ ከእለ ምን ገብእ እንገረ እግል ንወሰከክ እንዴ ቤለ የምአለቡ አነግር አምጽእ እግሉ። ኢብ-ዐሊ እግል አነግር እንዴ ጣየመዩ ዲበ አጅባብ ካረዩ።

ሙሰ ሰሕቆ እንዴ ወዴ፣ “ረቢ ልግበእ እት እለ ጅኩትኩ ኢትጸግብ?” ትሰአለዩ ሓለቱ እንዴ ትቀዌት ዲቡ። ኢብ-ዐሊ ፋሬሕ እት እንቲ፣ “እለ ጅኩት እለ አትዐበተኹ፣ ክሉ ረአሱ ኢትጸግብ። አነ ሀይበ ወህተ ትበሌፍ ሚ ንውደየ መሰለክ?” አዜመ እግል ሀበ ትቆጭበኒ ህሌት እት ልብል በልሰ። ሙሰ አዜመ ምን ነበሪት ከረ እግሉ። ኢብ-ዐሊ



ኮርየት ምልእት ምን ሩዝ፣ ሕበዘት ሸንሬይ፣ ወበሃርም ናይ ሰገ ዲበ ጂብ ናይለ ግህፍት ልብል ለዐለ ጅኩት ላወሸዩ።

ሙሰ ለአተቃብሉ እንዴ ዐለ፣ “እለ ጅኩትክ እምበለ ብለፍ ማይ ህዩ ትሰቲ ማሚ?” ትሰአለዩ።

ኢብ-ዐሊ ሀሙ ዲበ ነብራህ እት እንቲ፣ “ማይ ላቲ ክሉ ረአሱ ሳትየት ኢትአምር። ትበሌፍ ወኢትሰቲ። ለክልቀተ እብበይኖተ። ከረ ቡን፣ ሻሂ፣ ሐሊብ ወመረቅ

ላት ክሉ ረአሱ ኢትሰትዩ” እት ልብል አትባደዩ። ምሰል ክምሰል ትደረረው ወትረይሐው፣ ኢብ-ዐሊ ጅኩቱ ጸር አደግ እት መሰል እንዴ ቀንጾ፣ “ገድም ባረክአለ ፊክ፣ ሰኒ አድረርከኒ። ግረ እላመ ፈዴኮ ምን ገብእ እግል እምጽአኩቲ። ደሐን ትመዩ።” እንዴ ቤለዩ፣ ክባባይ ገብአ ምን። ሙሰ፣ “ላሊ ኬር ወበርከት እንሻለ። ገድም እንተ ወጅከትክ ትደረርኩም። አምፅል ሓሪት ላኪን ሐቆ ዐዘምኩክ ጅኩትክ

ኢትምጽእ እበ” ቤለዩ እብ ውዳዩ ሰኒ እንዴ ልትፈከር።

ኢብ-ዐሊ እብ በይኑ አሰክ ዐዱ እንዴ ልሄርር አጅባብ ምሉእ ዲብ እንቲ ክምሰል ረአዩ ሰኒ ትረይሐ። “ፈጅር ነብረ እግል እውዴ ኢትን። እለ ዲበ ጂብዬ ለህሌት ነበረ ፈጅር ፍጡርዬ፣ ጸብሕዬ ወድራርዬ ተ” እት ልብል ምሰል ነፍሱ ተሃጅከ።

ኢብ-ዐሊ እት ቤቱ ክምሰል በጽሐ እግል ጅኩቱ እንዴ ሰቅለየ ገብ እብ ሰኩብ ወደ። ህቲ እንዴ ሰኩብ ሓምድ መልሀዩ መጽአ። ሓምድ ኢብ-ዐሊ እንዴ ሰኩብ ክምሰል ረአዩ፣ ገድም ምን ሰኩብ ይሀርሱ እንዴ ቤለ፣ እግል ጅኩት ሀረሰ። ዲብ አጅባብ ናይለ ጅኩት ምንዲ ገንሐ ነበሪት ምን ምሉእ ጸንሐዩ። “ኢብ-ዐሊ መልሀዩ እናሰ ሰኒ ጸጋይ ቲ። ዲብ አጅባብ ጅኩቼ ነብረ ከረ እግልዬ” እንዴ ቤለ፣ እግል ጅኩት ለብሰየ ወክባባይ ገብአ እበ። ኢብ-ዐሊ ህዩ እለ ክሉ ከማትት እንዴ ዐለ በሕ ተርፈ። ኢናይክ አው እት እኪትክ ትውዕል አው ምን እዴክ ትውድቅ።

ኢዩ ምዋም ቱቃጅር።



ዲብ ሐቲ ዐድ እናሰ ሰኒ ታጅር ወልዱ እግል ለአትዛውር ሰበት ሐዘ ምን መዲነት እንዴ ፈግረ ዲብ በር ጌሰ እቡ። ዲበ በር እብ ፍንቲይ እት ሐረሰቶት ድቡራም ለልትረከቦ እቲ አካናት እንዴ ጌሰ እቡ።

“ስመፅ ወልዬ፣ ሕነ ማሸለ መረ ትጃር ሕነ፣ ዲብ እድንዩ ብዝሓም ድቡራም ክምሰል ህለው እግል ተአምር ብከ። ለተጃረትነ ሰኒ ይዐቀብናህ ምን ገብእ ክምሰል እሉም ሓግላም እግል ንግበእ ቲ። ሰበት እሊ፣ ተጃረትነ እግል ንዕቀብ ወምን ሕግላን እግል ንትነጃ እንዴ እቤ እንሰር መጽአኮ እብከ። እሉም እግሉም ትርኢ ህሌክ ክምሰልነ ሰበት ኢከድመው ወአብሳር ሰበት አለቦም ክእነ ሓግላም ገብአው፣” እት ልብል እግል መደት ክልኤ አምፅል ዲበ ባካት አትዛውረዩ እግል ወልዱ።

ጀውሉቶም እንዴ አትመምው እት ዐዶም ክምሰል አቅመበለው፣ ለእናሰ እግል ወልዱ ክእነ ቤለዩ፤

“ስመፅ ወልዬ ሸላል፣ ምን እለ ጀውሉት ሚ ደረሰክ ወለ ሓግላም ሐረሰቶት ከአፎ ረከብኩም? ለአቅመትካሁ ጋራት ፍንቲይ ምን ህለ እንዴ አሰእለኒ።”

“ሰኒ አቅመትኩ፣ ሕነ ምሮት ከልብ ብከ፣ ህቶም ህዩ የም አለቡ አክላብ ህለ እግሉም። ሕነ መሐንበሲ ንኡሻይ ብከ፣ ህቶም ላኪን መራታት ብዙሕ ቦም። ሕነ ውኤታት ሐዳት ብከ፣ ህቶም ህዩ ሐ ብዝሕት ህሌት እግሉም። ሕነ እብ ሉቺ(አምፑል) ነአበርህ ወህቶም መደጊት ለአቀርሐ ወእብ በርህት እብ ወሬሕ ልትነፍዶ። ሕነ ጃርዲን ምእት ምትር ገብእ፣ ህቶም ላኪን ለጋድሞታት ወለአወድግ ክሉ ምድርም ቲ። ሕነ እግል ጋሻይ ኢንትከበት፣ እት ቤትነ ንትደበእ፣ ህቶም ላተ እበ ህሌት እግሉም እግል ጋሻይ እብ ፈርሐት ልትከቦቲ።


“ብዕድ ህዩ ሚርኤክ?”

“ብዕድ ሕነ ሸቃላ ከድሞ እነ ወህቶም እግል አዳም ክድመት

ለሀይሶ። ሕነ ነብራኝ ምን ሱግ ንትዛበዩ ወህቶም ነብራህም ኖሶም ለአፈርው። ሕነ ማልነ እብ ሐሽ እንዴ ከለብነ ነዐቅቡ፣ ህቶም ላኪን ማሉም መጽተመፅ ኖሱ ለዐቅቡ። ሰበት እሊ፣ ለትጃር ሕነ እንዴ ይእንገብእ ህቶም ቶም። ህቶም እብ ነሳሐት ወእግል ሰኔት አድሕድ ከድሞ። ተጃረት ህዩ እላ ቲ። በደንክ እንዴ ገብአክ እብ ማልክ መትፎፋል ወበደንክ ጸጊብ ዐውል አለቡ።” ቤለዩ። ለእናሰ ህዩ አክልአይ ቃዊ ክምሰል ዐለ ደርሰ።

ዕመማይ መዐሉማት

- ዲብ ጅግረ ኩረት ዐለም አሰክ ሰነት 1970 ለዐለ ካሰ ገፍል (ጃል) ልትባህል። ብራዚል ህዩ እግል ሐላለ ነስኡ። እሊ አዜ ለህለ ካሰ ህዩ ናይ ፊፈ ካሰ ልትባህል። ዲብ ትልህዩ ኩረት እግር ለትወቀለት ሕሽመት ትትህዩበ።
- ዲብ ዐለም ለበዝሐ ማይ ጸብጠት ለህሌት መራት ባይካል ትትባህል ወዲብ ሩሰዩ ትትረከብ።
- እግል ሰልፍ ዶል ሙሳፍሪን ዋያራት ለአትመቃርሐት ደውለት እንግሊዝ ትገብእ እት ህሌት እት ሰነት 1919 አንበተት።
- ዲብ አፍሪቃ እት ክል ሰነት ዕጩይ ሰርት 5.3 መልዩን ሄክታር ገብእ። እሊ ምን ዲብ አፍሪቃ ለልትረከብ ዕጩይ 0.8 ምን ምእት ገብእ።
- ቤርመደ ለትትባህል ጀዚረት ዲብ ቅብለታይ እንክር ናይ ምሒዋ አትላንቲክ ለትትረከብ እት ገብእ፣ እት ባካት ለህለ ክፋል ምሒዋ ደለ እብ ረአሱ ሐልፈት ዋያረት ወእቡ ለተዐዳት መርከብ ምክራዩ ለለአቀዌ፣ አሰክ እለ ምስጢሩ ለኢተአመረ ማያይ ክፋል ቲ።
- ጎልደን ገይት ለልትባህል ለለህንጦዋል ወለለአትዐጅብ ክብሪ ህለ። እሊ ክብሪ እሊ እት መዲነት ሳንፍራንሲስኮ - ካሊፎርኒያ ልትረከብ። እብ ሸክሉ ወገበይ ብንደቱ ህዩ ሰኒ ለአትዐጅብ።
- እዲነ እግል ሰልፍ ዶል እብ ጀልበት ለዶረዩ ፈርዲናንድ ማጂላን ቲ። ህቲ ወድ ፖርቱጋል እት ገብእ፣ እት ወቅት ለህይ ላኪን ዲብ ሐንቲ መንዴረት ሰጸነ እንዴ ገብአ እግል ዐለም ዶረዩ ወቲለለ ደለ።



ክጥዐሚቶ

አምፅል ሐቲ እም ምሰል ወልደ ንኡሽ ትትሃጅክ ዐለት። እብ ክሰሰ አቅራቦም ላቶም አንፋር እንዴ ትዳግም እግሉ ዐለት፣ ክእነ እት ትብል ትሰአለቲ።

እም - ሰምዐኒ ወልዬ፣ አቡክ ሓምድ ለበዐለ ጃርዲን ቀርበነ ሚ እሊ ዐሊ ወድ-እድሪስ ለበዐለ ድካን? እንዴ አሰእለኒ ሕልብዬ!

ጅነ - እሊ አቡዬ ዐሊ ለበዐለ ድካን ቀርበነ።

እም - እብ ከአፎ? (እት ትትፈከር)

ጅነ - ህቲ፣ ህቲ ግዋሬነ ሰበት ቲ፣ ቅሩብነ ህለ። አቡዬ ሓምድ ላኪን ረዩም፣ ረዩም ህለ ምኒ።



ሰወር፡ አብረሃም በዩኔ



አሰይድ ሰለሙን በርሄ



አሰይድ መ/ኑር ያሕየ

ጀሪደት ‘እርትርየ አልሐዲሳ -ዐረቢ’፡ “ተረት ሰላፊት ዲብ ፈን” ሐንቴለ ልብል ሸዓር፡ እት የም 10 ማዮ ዲብ ቃዐት ሀገር ናይ ውዛረት እዕላም መሕበር ጎማት ዝመት።

ምን ለትፈናተ ውዛረት ወመአሰሳት ሕኩሙት ውብሕቶት ለትወከለው ዳርሳም ህግየ ዐረቢ ውብዕድ መጃላት፡ ክምሰልሁመ ምን ውዛረት እዕላም ለጎማት ትከሰሶም መስኡሊን ወስሕፍዩን ሐድረው።

ለበርናምጅ ሳዐት 8:30 አሰቦሕ እብ ዝክረት ሹዐደእ ክም አንበተ፡ ርኢሰ ተሕሪርለ ጀሪደት አሰይድ መሐመድ-ኑር ያሕየ፡ እብ ክሰ-ሰ አህምየትለ መሕበር ጎማት ወምኑ ለትሰኢ ፍገሪት ከሊመት እንበተት አስመዐ። ኡስታዝ መሐመድ ኑር ጀሪደት እርትርየ አልሐዲሳ ቀደም እላመ ክእነ መሰል ውረሽ ወንድሞት ትወዲ ክም ዐለት፡ እሊ ህዩ ለጀሪደት እት ተጠውረ ለሰደየ ክም ዐለ እት ለአበርህ፡ ዶር ጀሪደት ‘አልሐዲሳ’ ዲብ ወራታት ፈን ወጠን በሀለት እተ ልትነዘም መሀረጃናት ልግበእ ወምሰል ፈናኔን ወፈርያቶም እብ ዓመት ለገብእ ወቀይ ፈሰረ። ክእነ ነድሞት ህዩ ምን ቀደም 20 ሰነት እንዴ አንበተት እተ ለአትሐዜ ዲቡ አውካድ ትነዝሙ ክም ህሌት ወደሐ።

ዶር ከሊማት ወለሐን እት አስበቀት ወጠንየት ዲብ ለአፍህም አሰይድ መሐመድ-ኑር፡ “ ከሊማት ወለሐን እት አምጽኦት እለ አዜ ነዐይደ ለህሌነ ሕርየት ውቁል ዐለ። ወሐቀ ሕርየት ለትወለደት ‘ሰሐፊት እርትርየ አልሐዲሳ’ እት ወስቀት ፈን ፈናኔን ወፈርያቶም፡

መሕበር ጎማት -ጀሪደት ‘እርትርየ አልሐዲሳ’

ክምሰልሁመ አላት ሙሲቀት ውቁል ቱ” እት ልብል አፍህመ።

ሸዐር ወሕላይ እት መደት ጥልያን እግል ፍራሰ ወጠንዩን ክም ዘማት ወድ እኩድ ወበህታ ሐንሰመ ምነ እብ ምርወት ሸዐር ወጠን ለሃረሰ ክም ዐለ አሰይድ መሐመድ ኑር ያሕየ አክደ።

ደርቡ ከልመት ለአሰመዐ ሙዲር ቅሰም ሰሓፊት (ፕረሰ)፡ አሰይድ ሰለሙን በርሄ እት ገብእ፡ አሰይድ ሰለሙን እት ከሊመቱ፡ “ናእየት ሸዐብ ወሕኩመት ኤረትርየ መሳሞት፡ ውፋቅ ወራዐዮት አድም ለትመደደ እቱ መጅተመዕ አንሸኦት ቱ። እሊ ህዩ ምን አሰል ሐዳረትን ቀዳሚት እንዴ ይትነሰእ ንሄርር እቡ ለህሌና ቱ ” እት ልብል፡ እት አትሐሳሳይ መጅተመዕ ዶል ንትሃጌ፡ ተረት ሰሓፊት እት ሰቃፊት ቀላል ክም ኢኮን እግል ንትዘከር ክም ወጅብ አብረህ። ሰበት እሊ፡ ሰቃፊቱ ወሕሽሞታቱ ለትህትህተ ገቢል፡ ውሕደቱ፡ ጅንሰዩቱ ወሀለዮቱ ገጽ በደ ሰበት ቱ፡ ሰሓፊትን እንዴ ትደቀበት እት አትሐሳላፍ ቅየም ገቢልን እብ መጅብ ፈን፡ ወክሰሰን ለበክት ዐቢ ወቄርኦት ሰቁፋም ምን መሞጥኒን ውውላድ ካርጅ ለበ ‘እርትርየ አልሐዲሳ’ ዝያደት ካድም ለነአደቅብ እት አርደት ካይዳም ክም ህሌነ አሰይድ ሰለሙን አክደ።

ምን እሊ ለትበገሰት ውዛረት እዕላም እት ሰሓፊት ውጅህት እንዴ አትነዘበት፡ ታሪክ ወሐዳረት ሸዐብ ኤረትርየ እግል ትወስቅ

እት መሕበር ጎማት ሐምሰ ወረቀት ትቀደመዩ። ምንን “ሄራር ዐቦት ሙሲቀት ኤረትርየ” ለትብል ወረቀት እብ ቄድራይ ሙሲቀት ላቱ መሐመድ ሳልሕ ሕሴን ትቀደመት። ምን መዐነት ሙሲቀት እንዴ አንበተት፡ ሙሲቀት ኤረትርየ ወለእርኤቱ ተቅዩራት እብ መራሕል፡ አክራን ኩሉ ሙሲቀት ክም ቱ፡ ሙሲቀት ህዩ እድንያይት ህግየ ክም ተ ወደሐ። እምበልሁመ መጅተመዕ ኤረትርየ፡ ምን ሰኒን ቅዱም ለሐሰ አሳሰ አላት ሙሲቀት ዓዳት ለጠወረ ወእብ ወራታት ፈን ወሙሲቀት ውጅህት ለትመተዐ ገባይል ክም ቱ አክደ።

ኤረትርየ ፍንጌ ሐዳራት ቀዳም ናይ ገባይል አፍሪቀ ወአሰየ ሰበት ህሌት፡ ክምሰልሁመ ምን አሰል ሴም፡ ኩሽ ወኒል ላቱ ለትፈናተ ሰቃፋት ወሐዳራት ለቡ ገባይል ሰበት ህሌት፡ ሸዐብ ለትጠወረት ሙሲቀት ምን እትጅሃት ብዙሕ ክም መልክ፡ ወእለ ህዩ ዝሕረት ዐባይ ናይ ፈን ክም ተ ለአሰኦለ አሰይድ መሐመድ ሳልሕ፡ እለ ሐዳረት እለ እት ጠወርቱ፡ ወወዲ ድራላት መጅተመዕ እግል ለሐሰሴ አትፋቀደ።

“ክትብት - ሰሓፊት እብ ህግየ ዐረብ እት ኤረትርየ” እብ ልብል አርእሰ ወረቀት ለቀደመ አሰይድ ዩሰፍ እድሪስ አሚር ምን ቅሰም ተውሲቅ ውብሐሰ ጀብህት ሸዐብየት ቱ። ህቱ ህግየ ዐረብ እት ኤረትርየ እብ ገበይ ህጅራት ገባይል ምን መዐደይ በሐር ክም አቱት ወትለመደት እት ለአክድ፡

ኤረትርየ ለትብል ወረቀት ለቀደመ ህዩ፡ እስታዝ ከሕሳይ ገብሬሂወት ምን መፈውድየት ዓዳት ወርያደት ቱ። ሰሰዒት ኤረትርየ ፍንጌ አፍሪቀ ወገባይል አሰየ ለትጠወር ሰበት ቱ፡ ናይ ኩሉ አምዳር አሰየ ወአፍሪቀ መትማሳል ክም ተሐቅፍ አክደ።

ሰሕፊ መሕሙድ ዐብደለ አቡክፋሕ፡ “ተረት ፈን ዲብ መደት ሰውረት ኤረትርየ” ለትብል ወረቀት ቀድም እት ህሊ፡ “ተረት ጀሪደት እርትርየ-አልሐዲሳ ዲብ ጠወርቱ ፈን ሕላይ” ለትብል ወረቀትመ እብ ሰሕፊ ሱሌማን መሐመድ-ሰዐድ ትቀደመት።

ለኢትጋመ ቁጽብ ቱ። ክል ዶል ቤት ሾረት ኢትህግግ። ጎማት ራትዐት ዐድ ተአበቅል ወጎማት ጭዋት ዐድ ትፈንጥር። እሊ ኩሉ እግል ጎማት ለትበህላ ቱ። ጎማት እት ክል ሸቅል ሰኔት ቱ። ምን ጎማት አምር፡ ለባበት፡ በሰር ወተጠውር ልትረከቡ። ለኢግሚ እብ በይነ ልትፈጸዕ። ሰበት እሊ፡ ለመሕበር ጎማት ትላኬት ዓይለት-መትሻቂት ጀሪደት እርትርየ አልሐዲሳ፡ “ውጅሃም ለውጅህት ሐዘው” እት እብል እግል እውሰፎም ሐዘ። ሰበቡ ውጅህ ወዓቅል ቱ እግል ተጠውር ሸቅሉ ጎማት ብዕዳም ለልትላኬ ከልአምሐብር።

እት ሰሓፊት ኤረትርየ፡ ጀራይድ እርትርየ አልሐዲሳ ወሐዳስ ኤርትራ፡ እት ሄለል ሰብተምበር 1991 ለፈግረየ ሰልፋያት ጀራይድ እት ገብኦ፡ ደርበን እት ሰነት 1994 ‘እርትርየ ፕሮፋይል’ ዐፊተን፡ እት የም 2 ፌብረዋሪ 2008



ኢስታዝ መሐመድ ሳልሕ



አሰይድ ዮሰፍ እድሪስ አሚር

ተን።

እት አትሐላላፍ ልእከት ሐብሬ፡ አክባር፡ ዓዳት ወአትፋግዖት ገቢለን፡ ክምሰልሁመ ተረተን እት ወቀሎት ሰቃፊት እሊ መጅተመዕ ቀላል ሰበት ኢኮን፡ ሀደፍ ‘እርትርየ አልሐዲሳ’ ህዩ፡ እብ እድንያይት ህግየ ሰበት ትትኩተብ፡ እት አትአመርት ዱላትን ምሰል ዐለም ሐዘት ዛይደት እግል ተህሌ እለ ልትሰኢ ምን ወትቀድሙ ለህሌትመ ሐድ ኢኮን።




መሃመ ክም ቱ እት ለአፍህም፡ “ገቢልናመ እት ፈህም እሊ ግሩም ዓዳት ክቱቡ፡ አላት ሙሲቀቱ ወሕላዩ ለልአዳውረ ለዘት እብ ለሐሰት እግል ትትወስቅ እሉ መስኡልየትና ተ” ወሰከ።

ምን ዘበን እስትዕማር ጥልያን እት 20 ክፈል ዘበን ሰሓፊት ዐረብ እት ኤረትርየ፡ እብ መጀላት ወጀራይድ ዝያድ 150 ወሲለት ወሲቀት ክቱብ ክም በጽሐ አፍህመ። “ተጠውር ሰሰዒት ወክበር” እት

ህዩ፡ እለ እት እዴኩም ትቀርእወ ለህሌኩም ጀሪደት ኤረትርየ ሐዳስ እብ ትግራይት ፈግረት። ሰበት እሊ፡ እት ምድር ኤረትርየ ክል-ምዕል ልትቀረኦ ለህለየ አምዕላያት ወሳምንታያት ጀራይድ አርበዕ

ሓድራም፡ ዲብ ደንገበ ዲብ ትቀደመ ውራቅ ልግበእ ውብዕድ ወራታት ጀሪደት ‘እርትርየ አልሐዲሳ’ ቤንያይ አራእሆም እት ለህይዐ ወናቅሹ፡ አሰክ ሳዐት 12:30 ጸንሐው ወለመሕበር ጎማት እብ ተውሰያቶም ወረኦየም ተመ።



ዝያድ 70 ሰነት - እት ፍቲ ኩረት

ሰወር፣ ሳልሕ ዐብደልቃድር



መደርብ ዐሰማን ዐመር መሐመድ

ዐሰማን ዐመር ልትበህል። እብ አሳስ ሐብሬሁ፡ ወድ 80 ሰነት ገብኤ። እት አቁርደት ዲብ ክፍለት 1940ታት ለትወለደ ዐሰማን፤ እት ልጁን ምስል ዐዱ አስክ መዲነት ፖርትሱዳን ሄረረ። ኣነ እት እምህሚሚ ምን አምሩ ሌጤ 28 ሰነት እድወር ሀለ። እት ፍንጌ ክልኤ እለን ሱረት ንኡሽ ሸክላይ ወዐቢ ኡብዕብ እግል ተኣትጃግሮ ህዩ፡ ቀብቀብል ካርያመን እኩም ህሌ።

እሊ እት ሱረት ትርእወ ለህሌኩም አብኅ ዐሰማን ዐመር፡ እት ኩረት እግር ለህሌት እሉ ፍቲ ቦይና ተ። በዲር እት ሰሳታት ወሰብዓታት መተልህያዩ፡ ወሐር እንዴ አትካረመዩ እት

ጅብህት ተሕሪር እንዴ ፈግረ ለናደለ ነፈር እት ገብኤ፡ ሐቆ ሕርየት እት ሰነት 1993፡ እትለ ኣዜ ነብር እት ለህለ እምህሚሚ አቅበለ። ምን ምዕል ለእለ አቅበላት አስክ እለ ዮም፡ ክም መደርብ ናይለ እት መዳርሱ ለደርሶ ደረሰ ወዲበ መዲነት ለህለው ሸባብ ፈተኛ ኮበሪት እግር እንዴ ገብእ እብ ምራድ ኖሱ ሸቄ ሀለ።

ዐሰማን ዶል ትርእዩ፡ ኩሉ ዐፍሽ ኩረት እት ቤቱ ለላብሱ ልባስ ርያደት፡ ፊስኮት እት ስጋዱ፡ ክል ዶል ብርንቶ እግል ተድራብ ፈሪቅ ኮበሪት እግር ጋብእ ትርእዩ። እሊ ኩሉ ህዩ፡ እብ ምራድ ኖሱ ወሸንሂቱ ለወድዩ ቱ ድኢኮን፤ ምን ጀህት ውዛረት ተዕሊም ልግበኤ፡ እትሓድ ሸባብ ወመፈውድየት ዓዳት ወርያደት ለነስኣ ማህየትመ አለቡ።

ሐቆ ሕርየት እት እምህሚሚ ክም አቅበለ ዐሰማን ዐመር፡ እበ እለ መልክ ቅድረት ተድራብ ኮበሪት እግር እት ዐለሞት አጅያል ወክሱሰን ሸክል (አሸባል) ትከሰእ። ቤት ዐሰማን ክም ናዲሆም እንዴ ሐስበወ ለልኡትቃቡለ አጀኒት ወደረሰ ሰኒ ብዝሓም ቶም። እት ስዑድዩ፡ ቀጠር ወጀርመን ለበጽሐው ምን ዐሰማን ለደረበዩም'መ ክም

ህለው ዐሰማን ደግሞ። ምን እሉም ሐቆ ሕርየት ዐሰማን እት ኩረት ለደረበዩም አንፋር፡ ዮመቱ እት ኩሉ መዳርሱ፡ ዕያዳት፡ አፍሪዐት ሐርሱ፡ ቅዋት ድፈዕ ወዲብ ኩሉ ቀበት ዐድ ወካርጅ እንዴ ጌሰው፡ እት ባካት እምህሚሚ ለተልሀወ ኩረት እግር ዶል ፈቅዶ ዐሰማን ዐመር ሌጠ ልትዘከሮ።

ዐሰማን ንኡሽ ዲብ እንቱ እት ፖርትሱዳን ምስል ፈሪቅ አሸባል ሐይ-አልዐረብ፡ እት ከረ ዴመትር ወፈሪቅ አልመርዲ ሱዳን ልተልሂ ዐለ። ሰውረት ክም ጌሰ ላኪን ህቱ ወኩረት ወልወል ወሐናኒት ገብአው።

ኣዜ ግድም፡ “ገመልዬ ምን በዴ እብ ቀይዱ እትዐወት” እንዴ ቤሉ፡ ለኩረት ትፈቱ ዲቡ አርወሐቱ እት ካሸሸ፡ ዲብ መዲነት እምህሚሚ ኣዜ ነሸኦ ለህለው አሸባል ወአስክመ አጀኒት ነኣይሽ ዲብ ደርብ፡ ለህይክ ደርብ ለህይ አጅያል ኩረት ብዘሕ ድሩብ ሀለ። ምን አጀኒት እምህሚሚ ዐሰማን ዕመር ለኢፈቱ ወኢለአምር አለቡ።

ምድር እምህሚሚ ሕፋን ሰበት ቱ፡ ማሲ ምድር ምን አልዐሰር ገዱ ሐር ቱ ውልዋል ለኩብህ። ዐሰማንመ፡ ክል-ዶል እለ ለቤልናህ ሳዐት (ምን 4፡ 00 አልዐሰር ገዱ ሐር) ኩረቱ እንዴ ነፍሐ፡ ፊስኮቱ እት ስጋዱ እንዴ ለውሉ፡ ቱታሁ እንዴ ለብስ

ወክቤለቱ ምን ጸሓይ ወዕሳስ እት ደምቀቱ እንዴ ገፍተኦ እት ሜዳን ጸንሐከ።

እሊ እት ሱረት ቅባል ዐሰማን ትርእወ ለህሌኩም ጅኑ መሐመድ ደርእ መሐመድ ልቡሉ። ህቱ ምን ዐሰማን ዐመር ለደረበዩም አጀኒት ምሮ ቱ። ህቱ ምን ሰነት 2012 እት ዕምር ንእሹ ምስል ዐሰማን ክም ተአመረ፡ ወዐሰማን ዲብ ኩረት ክም ለኣቱ ወመተልህያይ ገብእ ክም ወደዩ ለሓከ።

“አቡኅ ዐሰማን ኩረት እብ አደብ፡ ሸዑር ወቅድረት ክም ንተልየህ ወዳኔ። ለሐሰ መደርብክ ህቱ ቱ።” እት ልብል፡ ዐሰማን ክልዶል እት መጦርም ክምሰል ቱ፡ ክም ደርቦም ወለኣትናይቶም ወምን ኩሉ ወለዐል ከህላት ወአደብ ክም ለዐልሞም ልሸህድ እሉ።

ደለ ገአ ፈሪቅ ኮበሪት እግር ተድራብ እግል ልኡቱ ገብእ ምን ገብኤ፡ ልባሱ እት ቤት ዐሰማን እንዴ ቀየራ ቱ ለፈግሮ። ቤት ዐሰማንመ ሰደፍ ስምጥለ ዐቢ ሜዳን ናይ እምህሚሚ ሰበት ቱ፡ ደለ ምን ትልህዩ እግል ለዓርፍ ወማይ ልሱቱ ለሐዘ፡ አስክ ቤት ዐሰማን ዐመር ገይሰ ከሰቱ ወልትሻጠፍ ከለአቀብል።

ዐሰማን ለደረበዩ ፍረቅ



መሐመድ ደርእ መሐመድ

ነኣይሽ፡ እት አቅሊም ቅብለት በሐር ቀየሕ አስክ እብ ደረጀት አቅሊም እት ገብእ ጅግራታት ምስል ባጽዕ ወግንደዕ እንዴ ተልሀው ዲብ ደረጀት ሰኔት ለበጽሐ ቶም። ለመተልህየት፡ እስኣኖታት፡ ልባስ ርያደት ወክወር እግል ልርከቦ እት ከስሶም ጀሃት እንዴ ጌሰ ለልኦስኦል እሉም ወለልትጸገመመ ሐድ ኢኮን።

ከዕላቀት ዐሰማን ወእሊ መሐመድ ደርእ፡ ለምን ቀደም 70 ሰነት መተልህያይ ለዐለ ወኣዜ መደርቦም ክም ገብእ እት እምህሚሚ ለትአመረው፡ አምር መረቢ፡ አብ ወወልዱ ቱ። ከዕምር ጥወል እግል ዐሰማን ወአጅያል ኩረት እግር እምህሚሚ።

ካፍካይት መርሐኮት ጅግረ ዐጃካት ካስ ሕርየት ትተካኬ

ካልኣይት መርሐለት ጅግረ ዐጃካት ‘ካስ ሕርየት’ አቅሊም ምግብ፡ ለሐልፈት ሰንበት 11 ማዮ እት ድዋራት ሞናፖልዮ ገብኤ። እትሊ ስጋደት ገዛባንደ ለብዲቡ ጅግረ ሐቱ ዱረት 3.1 ኪሎምትር ሪም ዐለ እሉ።

ምስል ውላድ ምስል እት ሐቱ ሳዐት ልትጃገረ ለዐለዩ አዋልድ፡ 124.8 ኪሎምትር (40 ዱረት) ሄረረዩ። እት ዐለዩ ሸላተ ምን ፈሪቅ ደንደን ኣድያም ዳዊት አወላይት እንዴ አቱት ሰለስ ንቅጠት ወካልኢት ምን ወቅት ከስበት እተን።

ራሄል ዘርእሰናይ-ደንደን፡ ፌሽን ሀይሌ -ሰራይር ሳው፡ ሮምና ጉዕሽ-ደንደን፡ ወናርዶስ ጸጋይ-ምን ፈሪቅ ግብለት ደርብ ሕድ እት ሸላተ ለትዐወተዩ አዋልድ ዐለዩ።

ምን ፈሪቅ ግብለት ሱዛን ፍሰሃይ ትልህዩ 28 ኪሎምትር ክም ተርፈተ እበ ወዴተ ግምብዩ እብ 3ሳ፡29ደ፡37ካ፡ ተዐወተት።

እብለ ፍገሪት ሱዛን እብ 6ሳ፡34ደ፡38ካ ትመሬሕ፡ ሲዶን ሃብቶም ደርብ ወራሄል ሳልሳይት ህለዩ። ፈሪቅ ግብለት ህዩ እብ 19ሳ፡49ደ፡04ካ፡ መሬሕ ለህለ ፈሪቅ ቱ። ሰራይር ሳዋመ ደርቦን ተልዩ።



ጅግረ ውላድ ዐባዩመ፡ 171.6 ኪሎምትር በህለት 55 ዱረት ከለው። እሊ ጅሁማት ብዘሕ ለትረኦ ዲቡ ጅግረ ድቁብ፡ ብዝሓም ናይ ፈሪቅ ግብለት መተልህየት እግለ ግራሆም ለዐለት መጀመሪያ ናይ 1ደቂቀት ወ40 ካልኢት ወቅት እት ደራባት ሓድጋሞም ወዋሉ

ወዕለው። መትጃግረት አስቤኮ ናታን መድሃኔ ወትርኣሕመድ ዐብደልወሃብ ምን ገዱ ሐር እንዴ ትፈርገዳው፡ ምስለ አወላይት መጀመሪያ ተሓበረው ወለጅግረ እብ ናይ ሕበር ሸላተ ተመት።

ምን ፈሪቅ ደንደን ናኦድ ብርሃኔ ህዩ፡ እግል ነፈር አስቤኮ

ኑርኣሕመድ እንዴ በድረ አወላይ አተ። ዳንኤል ይሕደጎ ህዩ ሳልሳይ ፈግረ። እምበል እሊመ መትባድረት ዐጃካት ሳልሳይ ዲቪዝዮን እት 81 ኪሎምትር ጅግራም ዐለው። ሰለስ መትባድረት ፈሪቅ ትጽቢት ዳይሞን ሰለሙን፡ ዮቤል ተስፋ ወሰናይ ተከስቱ ህዩ ደርብ ሕድ ሰልፋያምለ ብድረ አተው።

34th ANNIVERSARY OF THE ERITREAN INDEPENDENCE

1991 2025

መርበይ : ደሬዕነ !



خطنا .. درعنا المنيع ! !
Our Cohesion: Our Armour!

NATIONAL HOLIDAYS ORGANIZING COMMITTEE